



馬萬字士延生於明沒於國朝年七十七著有旃檀閣集已失吳庠馬壽齡廷三羅其散帙彙爲一卷其刻散見於里志練音者未收入

河間管鴻

吾行却曲道其地多迷陽迷陽傷我行舉足成旁
皇出門即有礙智者惜行藏藹藹管夫子生平事
空王朝遊輞川圃夕宿香山堂嘗師董北苑子久
稱鴈行五十而學詩六十諧宮商以彼春風度含
此冰與霜珠璣非不貴金玉以自將哀哉賈長沙
少年徒自傷美才居盛朝厥用何不臧融以幼安



南里逸詩
學能使千載芳

中峰僧慶祉

山中多白雲隨風自來去高處不勝寒人間亦暫
寓何有大辯才而肯事章句所以晉遠公弱歲歸
調御君家世受祿掉首不肯顧既辭白虎通且讓
青龍註教典一以明宗因從此曙荒庵浪泊時日
觀旃檀炷時爲寒山吟人誦碧雲暮龍聽窓下琴
鳥宿池中樹吾聞極樂國亦許文人住却笑陶淵
明多爲酒所誤

譙國戴穎昉

君抱徑寸珠我佩明月璐束髮事詩書相期青雲
路風波一失所流落驚天步生當亂離時窮通豈
細故春江花月夜蕭寺松聲暮把臂多名言朗若
披雲霧翦燭話西窓有時聽蕉露道在豈足憂江
山剩良悟噉々峽中猿肅々天邊鷺我病滯文園
君才森武庫前途邈難即要在貞其素濁水與清
塵悲鳴一回顧

高陽許定賁

許生風雅流立身在天表銅盤承露華玉樹臨風
皎入世多不可靈和以自抱每聞衛玠言平子爲

浦里逸詩

每置閣仁

易天書屋

三倒大雅久不作舉世事纖巧目如巖下電浮雲
隨意掃牙籤信手觸所過靡不了秘書十萬卷傾
來猶恨少當其神往時永和與天寶辭寄故清婉
語默俱成好清風朗月中曲室譚逾曉坐惜茂陵
人讀書苦不早

高陽許虬

英芙蓉色蕭蕭風雨聲颯々干將匣離離動寒
星高陽有才子小謝最知名口畫天下事四座皆
相驚開尊讀漢書淋漓雜哀箏桑田日已淺高岸
日已傾如何唾壺韻往々多不平激爲白雪詞俠

思何縱橫千言可立就紛紛誦帝京下筆如有神
不屑比袁宏不謂亂離後復聞正始音竹林名士
傳吾懷阮步兵

寒夜與繆氏姊言別

風吹西北浮雲裂雲中斷鴈啼紅葉天遙水遠霜
迷離毛羽襪襪聲慘切男兒飄蕩亦如此顧影悲
鳴不可說余家舊住天墮里朱棟雕甍耀門閤當
時生在畫堂中聰明不識天邊月余言此是白玉
盤姊言寶鏡瑤臺設有時弄墨塗嫩鴉戲作黃柑
青李帖家人見慣謂尋常妄言坐致青雲業無何

一夜玉盤碎菱花跌作青銅屑十三十四事漸非
二十以還心痛絕長兄一旦先父去羣從諸人盡
消滅此時尚在孝廉廬疇昔親知畏相接只今流
寓亦無恒柔腸漸老終難折三旬不食苦日長九
月無衣賴秋熟因而棄家學浪遊豈是書生事狂
俠汝家雖貧亦不惡亂世安能分巧拙我來正是
早寒時相顧相悲問華髮舊恨新事不及言風塵
且看鶉衣結淹留已是月再圓依稀往事圓還缺
不知此後更何如明朝又向溪頭別江楓落盡鴈
聲長衰柳蕭蕭不堪折兩甥還問再來期相期只

看梅花發

題許孝女梅花雙影圖

高陽孝女中...性可...才堪...
歲時時咏...年字字生花班氏父兄自愛
裙釵學士宋家姊妹亦稱環珮尚書乃歸倚
玉之人共訂聯珠之句子房之從逸少坦腹
名高孟光之配梁鴻齊眉望重身出孝廉佳
冑堪爲銓部曾孫時則喬樹成陰芳蘭受露
牙籤架畔香奩與硯匣同開玉鏡臺前繡帖
共筆牀竝列以詩書爲伉儷兼酬和於倡隨

女德全持慈顏多喜悵焉萬里之遊杳矣十年之別望斷魚書無信漸成雞骨難支嘗藥草以無靈夫君腸斷歎名花之易殞父子情深嗟乎神女無家洵是爲雲原易散姮娥有偶奈何奔月竟忘歸焚海上之名香返魂無術望帳中之寶燭顧影難留於是情彼丹青吳道子爲之寫照抒茲錦繡潘安仁遂賦招魂蕙帷常掩名山蕭櫺尚留綺閣半生吟咏定入彤編百歲音容共存粉本敬題哀些用記芳踪

一旦成離別千秋異死生綠窻人秀婉彩筆畫分明望眼猶含淚哀吟似有聲雲端青峽女天上錦官城柳色思千里刀頭夢五更鸞孤常掩鏡鳳去罷吹笙遺橐留兄弟空房付舅甥斷鴻還伴影別鵠自傷情才子憐荀勗詞人痛子荆只應竝命鳥遙夜共悲鳴刻過里志

劉七欽彈漢宮秋歌時李秋雯持法華或問來

茂陵劉郎好音律恨少良材不易得轆轤井畔晝焚香秋塘寒玉橫三尺珠徽玉軫何自來龍池鴈

足猶堪識試聽堅響發冰弦桐絲爲質灰爲漆落
霞藍脇世無人良工姓氏誰人墨中郎而後不再
傳 國朝以來稱第一嗟哉隱顯有天意廿年市
肆甘埋沒遭逢一旦遇知音不是孫登亦龍德攜
歸寢着爐香邊茗椀名書成雅集詞人忽自輞川
來座中復有臨邛客一時同調興遄飛琴與主人
爲動色轉軫調絃四五聲仙翁得道絃和七須臾
彈作漢宮秋有譜無文隨手出緩挑微拍字字清
輕勾峭泛聲々抑細聽乃是讀書聲寫出深深宮
女泣梅妝卸罷調初哀月轉西樓絃乍急披香侍

宴憶當年鸞輿一別知何日自從篋笥棄秋紈苔
蘚蒼々封題迹銅仙掌上露華寒滿階宮葉和愁
積守宮無恙掖廷深聲々夜雨長門滴教坊官妓
不能彈梨園弟子誰人譯玉指調成王建詞嬌弦
怨入相如筆廣陵散絕不再傳雨淋鈴在如相習
聞徹鶯啼御柳重沉幽蛩冷宮花濕繁絃不斷復
琮琤泛音轉自添蕭瑟雖有韓娥不忍聽坐客無
言皆憫默漢家宮苑竟安在舞衫歌袖爭狼藉監
宮銀鑰不知收淚滿宮娃紅袖漬內人不復唱伊
州樂工慟哭悲凝碧此時何處有宮商滿耳西風

吹感粟此曲祇應天上有此琴乃向人間獲銀鐘
擬贈蕭思話何處清泉與盤石亡何禪客琴聰來
袖出奇書談秘密始知人事盡空花耳根悟後歸
幽寂香殘琴罷肅心魂繞夜沉吟不忍釋

題孫銘常畫蘭

孫郎筆意多蕭散采香恒到江潭畔采之盡入刻
溪藤淡墨輕描秋九畹疏疏密々復橫飄斜斜整
整紛相串煙生紙上數千枝露滴芳苞一兩榦幅
邊時作小嵯峨還添石髮爲之伴黃筓死後香草
枯江籬杜若都消爛孫郎畫蘭尤畫香々在心思
不在腕々與心謀下筆遲弱毫似帶微風漫須臾
畫就復沉吟風來恐使煙痕亂美人欲佩不能去
空勞賞玩爲三歎總然一夜破壁飛輕箋只在瀟
湘岸

許人華惠衣

家破身猶在其如秋漸深寒雖貧士骨煖亦故人
心橘柚霜中立芙蓉月下吟綈袍一以贈頗不費
招尋

題蘇武牧羊圖

十九年中事談來未見真好將懷古意寫出望鄉

南里通詩 方村隱 吳安書屋
人雪欲爭心冷書還帶淚陳羝羊生乳否開卷爲
傷神

賦得心事向行人

無限悲歌意難尋劇孟家人情似流水隨分即天
涯前路誰知己相逢有落花因思擊筑處容易日
西斜

新寒憶人華

又見新寒到還披贈我衣恩如前日暝身覺去年
肥詩骨猶然在書傭未免饑因君更西顧黽勉或
當歸

蔣荆名索和秋雨書懷

盡日濃雲色陰、帶遠沙天當思煉石人久住浮
槎側坐聽飛葉清吟數落花不知天外月昨夜入
誰家

月好貧何害雲陰晝不除悲秋兼苦雨失路復離
居鸛垤生幽歎牛衣覆亂書誤人叢桂意煙艇隔
樵漁

慰蔣天一哭

截髮成名意憐君未暇償總帷通夜影藥椀隔秋
嘗朝露千年短春暉一寸長而翁成白首垂淚莫

登堂

贈徐克勤先生

頭白南洲客相逢一寸心伊人誠似玉有道式如
金調以行藏合交因雅頌深建安中論在使我對
沈吟

回首中朝事秦風入變章郎官歸隱逸士女記循
良高岸碑仍在窮園菊未荒新衣量鶴羽瘦翦薜
蘿裳

引商兼刻羽聽者自無窮敢怨琴難售都緣瑟未
工有心逢趙壹無論比王充願作書床蠹微分著

述功

亂後天難問其如老去何半生知我少一語受恩
多努力青雲淚行吟白石歌牀前明鏡色容易向
人磨

歲杪人華招過少軼居選唐詩總持有賦

直接毛詩與楚辭沉吟點竄意遲遲眼停今日刪
詩處心到當年下筆時句好尚須篇共勝調高尤
苦律難移與君實對前人坐初晚全教入總持

歲暮雨中留別公遠

歸去山中歲正闌勞君空谷問幽蘭弟兄淪落心

南里逸詩 方村隱士 吳安書屋
還熱仙佛行藏體自安煙外有人懷阜帽年來無
故戴黃冠門前便是瞿塘峽細雨深泥步步難

留別人華

雨中移棹雨晴歸日與唐賢坐掩扉白雪至今無
敢和丹鉛且欲購人譏寒燈窓下時時剔宿火爐
邊夜夜圍風雅自來同調少別君還有夢相依

擬杜工部蜀中寄長安僚友

扈從西南失路岐崎嶇鳥道一身持艱難垂老猶
爲客涕淚遙聞屢出師山歷蠶叢悲白髮香含雞
舌憶丹墀沅花溪上題詩處盡日相思欲寄誰

訪陸公

與君談笑處余亦念良宵知是何年別俄驚往事
遙露香桃葉嫩煙粉竹枝嬌無限繁華夢因君未
盡凋

答贈許人華

故國誰相憶惟君兩寄書心長驚夢折恩重覺生
餘游子身多賤文人習未除艱難我敢怨念子更
何如

日：思歸日時念往時每因知己淚多有寄君
詩珍重須蠅密封題却鴈遲略將無恙字報汝慰

相思

夏日江村苦雨寄人華并訊家五舅

獨坐消長夏風風雨雨邊江湖真滿地禾黍欲連
天貧士憂殘歲田家說去年平生同調在懷想即
依然

江坳停客棹多有渡江船問訊時相及煙波正渺
然所思能幾日已覺杳如年爲問刪詩者新來到
幾編

紅蓼蒼葭岸宵來漲幾分沙汀非舊址鷗鷺可同
羣霧氣先秋入江聲徹夜聞嶺雲雖不斷何以寄

夫君

歎息愁張協詩成只自歌故人多未達君子意如
何節序陰晴改江流日夜多寄君天上月形影各
無他

雨聲成夜永枕簟又滄桑心事聽來倦生涯話更
長帶愁生別袂和恨到同裳一掬無家淚因君寄
渭陽

答徐世儀見懷

金盡相勞苦悲歌意若何燕泥梁上少鼠跡甑中
多常日成何事中年竟易過楊舟豈泛々且欲試

菁莪

留別侯記原

亂後常爲客逢春數轉移只今將別日猶是未歸
時旅况頻勞問窮交豈忍辭十年同泛梗此去又
安之

庚信園堪借淹留惜主賓他鄉偏易雨失路畏逢
春患難矜名節迂遲合賤貧從來天下士此際貴
謀身

寒夜得人華書却寄

草草舟中別忽忽遂至今書從昏夜到愁已一年

深所幸俱無恙依然共此心相期知不遠封罷更
沉吟

初夏寓館接人華寄書感賦

年來如學道飄泊一空庵我意君能識君言我自
甘事看三繞鵲身比再眠蠶信息相關處心心滿
寸函

懷別仲先西歸并憶人華

歸去君何事猶勝欲去難煙波隨客遠風雨向人
寒一別俄春晚相思在夜闌天涯芳草意從此共
誰看

南望逸詩
方村閣十二
既有堪歸處歸歎亦未難旅懷今始信鄉思或相
寬想到同心話應思冷淚彈奇窮還自恨去住各
無端

秋夜聽雨思歸懷人華

惟有懷人處年華最易過
阜蟲啼草露塞鴈度星
河暗雨燈前細新霜鏡裏多
與君年少長雙鬢近
如何
貧賤誰相顧交遊或有人
正須論所與豈敢遂忘
身足跡從他掃肝腸向汝
眞晤君圖笑語且莫問
艱辛

濤侯越歸招予以新詩失約有賦

歸來楓葉下秋暮以爲期
見說多新句還應勝舊
時人方宗到漑君尚憶邱
遲又負論文約忽忽過
亂離

清言成雅集此事果難期
淪茗消良夜篝燈憶往
時欲言多黯淡何敢惜迂
遲戰後江山在同心畏
別離

冬日再送邃公入越中

草鞵懸未久又踏越山霜
座下年方少門前路正
長雲輕歸古寺竹冷閉空
廊儻賦懷人句時時遠

寄將

去住相關意非徒事遠遊燈將傳積雪杯欲渡寒
流已為清原去難因白社留他時相念處只記殿
西頭

賦得君恩秋後葉

何事長門葉秋來獨易黃曾經停玉輦猶得委銀
牀舊寵三春露餘生一夜霜萬年枝上色今日在
昭陽

芳菲難久駐妾命偶相同尚憶珠簾碧空餘金殿
紅魂消漢外月心怯曉來風留得秋槐樹年年
號

守宮

賦得深山何處鐘

雲斷疑無寺鐘來更有山客行經瀑布僧去踏煙
鬟聲出蒼茫外心歸杳靄間向來回首處只有寄
禪關

賣書償藥價

守汝成何事因之病轉生分無雞肋味深愧蠹魚
情藥價頻收券芸籤別換名獨憐新病起坐臥少
吟聲

為人華哭其母王太夫人

每日憂身後相看到眼前可能懸落照從此竟終
天自有成名日知非色喜年趨庭還讀禮低首淚
綿：

將發南里仲先同宿客龕

襖被來同宿寒宵話正長何因分去住祇是惜行
藏敗葉荒茶竈寒光透屋梁無窮離別思明發下
橫塘

次荅閔曙公

迢遞經年別君疑我亦疑寒深多在骨霜潔已成
鬢老至煩頻問身衰只暫持等閒悲鶴髮元不是

蛾眉

幾度高樓上開尊半日停相看俱晚歲次第入衰
齡賦愧千言短文無一字靈從今分手去風雨又
疎櫺

訪蔣玉房病中

原無俗事到衡廬願叩人間未有書藥碾茶鐙黃
葉下隱囊紗帽菊花初新詩滿袖江楓冷病骨經
秋蜀柳疏幽寂自關高士性未寒霜已上衣裾
新秋渡江有懷高太史季迪次顧天棊韻
火雲微淨峭帆輕綠隱青邱樹：平每到宣城思

謝朓因歌易水和荆卿風前斷笛人何在
天末歸舟水自明
漁父不知詞客去
晚涼猶有竹枝聲

秋日坐公遠齋中

香椽葉暗綠
窻邊事事清
幽古佛前小
塢琴尊陶令宅
滿床書畫米家船
蕉紋夜聽烹茶雨
竹瓦香生煮朮煙
末路自知難
任性看君心
到淡雲天

人華招公遠竹隱集少逸居選宗子相詩

酒闌燭醉拭雙眸
開卷酣歌動遠愁
才子云亡詩未死
故人同調我還留
芙蓉天削青無際
河漢雲橫翠不收
得失自來難可定
獨攜明月問千秋

冬日同公遠邃谷竹隱集人華齋聽雨懷濤

侯遊越

好詩吟輟夜堂前
聽雨相思一點然
別夢不離吳苑樹
歸心應上越溪船
能無秀句思前日
總爲奇才惜壯年
李杜文章吾黨在
憐君還滯暮雲天

訪公遠於六如庵

幽尋只認墨花香
一徑蕭蕭葉漸黃
身寄寒鐘石磬畔
家留釣艇菊畦傍
到時先問詩多少
客久都忘夢短長
今夜好談別後意
立身頗亦畏冰霜

同仲先宿雪旦館中

竹陰遙帶繚垣斜，衰柳閉門噪晚鴉。行路艱難同
夜雨，歲寒心事上梅花。詞人老去多爲客，遊子情
深轉憶家。我亦欲謀三徑業，可能相近共煎茶。

送公遠先歸因簡濤侯人華諸社友

去住相看客裏身，勞歌一曲下通津。西風裘敝傷
遊子，南國香銷念美人行。行李半隨孤棹發，殘花
鎖舊房。貧從來送別歌，朝雨未抵臨邛陌上塵。

奉別徐克勤先生

學得先生洛下吟，曾勞青眼敵黃金。自知浪子才
多薄，其奈風人感更深。神物有情歸望氣，廢材無

用媿知音。陸沉惟剩文章在，此去難忘萬里心。

訪克勤先生書樓小飲同集者爲管公遠孫

雪旦張文達，徐修來并見其長君。無易

香滿重廊書滿樓，青尊紅燭夜相留。臣心似水生
寒月，人淡如花對晚秋。吾道未窮歸隱逸，新詩多
怨竝。風流挽回滄海何人事，已有良工學製裘。

雪旦先生招飲梅花下并示佳什次荅

正是幽人痛飲時，相看差許月明知。開從雪後仍
無恙，立向風前有所思。拂席柔香春煖夜，壓身疏
影歲寒枝。朝來病對蕭蕭雨，只詠何郎近寄詩。

贈武陵夏褒甫其妻某氏未婚殉志夏感其
意亦終身不娶

誓死深閨竟爲誰此心畱與一人知鸞膠可接魂
難返鴛塚同歸恨尚遲竹在胎中先有節鴈從孤
後不求雌宋宏高義何須敬曾共糟糠效結褵

九日雨中追憶去年同邃谷上人仲先人華

江樓登眺

何勞送酒到籬邊祇聽秋聲一惘然天末相思能
幾日雨中高臥話經年殘書細讀蛩俱咽短偈應
封鴈未傳吳越山川殊不遠舊遊無奈各風煙

賦得落葉滿長安

苑樹宮花不易飛因風連夜盡霏微千門月影參
差改萬井秋聲次第歸別院鹿行多宿草女墻烏
在只斜暉茫茫荆棘無人處御柳春鶯聽已非

畱寄公遠

遲暮年華可若何生涯心事兩蹉跎雲依別夢歸
無定樹比鄉愁遠更多每向禪牀窺塵拂幾登寒
殿問維那新詩似有王維畫畱待君來且細歌

葉希時過訪

高柳深深帶乳鴉門前別處又飛花床頭無那金

當盡七首相看日易斜庾信自知非我土梁鴻常
是傍誰家夷光雖老雙蛾在草々梳妝學浣紗

其淵計聞集唐句弔之

與君相見即相親辜負穠華過此身李白死來無
醉客應劉亡後少詩人桃花流水依然在怨歎勞
歌兩未伸欲弔靈均能賦否夕陽衰草淚沾巾

無題

醉時拋却醒時尋彷彿相逢忽又沉夢與寒雲天
外遠愁兼衰草雨中深雖然已去何曾別總是無
緣尚有心聽盡秋聲人不寐秋聲多在掃衣砧

甲午春興

又見藍田作輞川竹廊水榭故依然但畱花木還
如昔豈必亭臺遂勝前古瓦有陰藏鼠跡敗垣經
雨長蝸涎自從掩閉風光後池館淒涼一十年
步屨春塵每獨行紫藤花塢聽新鶯橋邊樹覆藏
書屋門外溪通亞字城人過清明多酒病客來亭
午有茶聲元知傲性馴難盡猶弄漁陽類正平
海戍花深苦霧屯角聲吹月怨黃昏縱非燕領身
宜賤敢謂牛衣道自尊濡墨但臨十七帖焚香欲
註五千言如何昨夜桃花雨半是金釵屋漏痕

蒲里逸詩

海霞閣十九

易安書屋

飄零何敢怨西東止怨春來信不通知已一人風
氣外舊遊千里月明中悲歌白石誰堪問努力青
雲或未窮莫歎身名俱老大前飛黃鵠後雙鴻
三月啼鶻事事難每逢寒食又闌干遊絲好織升
仙履嫩籜誰裁側注冠芳草年華因雨損落花心
緒作春寒野人麥飯尋常事回首諸陵露不乾
往時兄弟共論文奇語癡談久不聞威輦去來空
白社士龍相見對青雲風流豈信隨春去月色常
疑照夜分正是西窓翦燭下有人聽雨歎離羣
花下江深深不流隔花新纜釣魚舟有時略置青

油幕今日誰爲紫綺裘細雨斜風隨處好筆床茶
竈尚須謀何當名鶴凌霄去共泛春風杜若洲
新詩吟就意如何攜向花前共嘯歌識暗何妨比
叔夜病多人或似維摩鼠姑信裏尋春晚鳩婦聲
中坐雨多莫向東風倍惆悵一生心事慣蹉跎

懷武陵黃息黔

雲生天末嫩涼浮讀罷離騷月到樓任爾行吟香
草在何當消渴若藤留名文快賞違良夜好夢孤
情及早秋但我兩人相對日不須復爲亂離愁

賀許竹隱領薦秋闈并送北上赴試

廣寒宮殿桂輪邊喜見泥金兩字填始信君才真
似錦也知官路直如弦即今鵬運將千里應在
龍飛第九年猶有同時詞賦客碧桃花下聽臚傳

留別少逸居

歸心遠近兩依稀萬里君歸我未歸一路登臨詩
總好十年顛顛恨相違飄零長自悲王粲感慨仍
勞問陸機明發片帆回首處天隨祠畔戀寒暄

悼亡

生存華屋死荒邱畢竟繁華有盡頭錯恨落花真
太早今年春色去年愁

陸鴻典字鄴書號楔亭太學生與弟淹小范安
期亦生許集中望宣僧德元訥園結後五子社
有詩十二種不下萬首裔孫序東年二十喪其
橐未竟而亡

別西子湖久矣戊寅重九後同綸美入閩停
橈一遊得詩五章

客途吟屐借餘閒七載西湖感別顏只向逋仙稱
舊雨重呼蘇小認雙鬢遲歸鶴伴蕭疏樹半掩雲
棲蘊藉山一帶長堤十里路碧波無恙野花殷
木落煙銷瘦兩峰蛾眉澹掃寫秋容菱花捲霧開

朝鏡雲髻梳風出晚鐘珠翠已空桃李夢壺觴猶
戀綺羅踪逡巡油碧明春約辜負西冷柏與松
玉津園內緊啼烏劫火蒼茫幾苑枯十丈奔潮迎
鐵弩六朝寒月照金鳧使君文筆推蘇白少保孤
忠弔岳于花柳至今齊望 幸六橋如繡草平鋪
南園北邸事全非佛火千年擁翠微松徑不知九
里過山靈忽借一峰飛泉穿石骨由來冷井躍龍
鱗未見歸白髮瞿曇舊才子天香吟落五條衣
領略湖山未敢奢兩三佳處便移家品評濃淡詩
千首賞鑑雲煙畫一义客袖乍沾金粉氣秋風又

老苧蘿花笑看萬縷經霜柳不信錢塘勝館娃

嚴先生釣臺

山更嶙峋水更清富春江上放船行釣臺壁立千
餘仞肯向雲臺著姓名

心航山和超然題石韻

纔舍清溪棹攀躋別有天雲山藏太古松竹老忘
年去鶴今已矣停舟尚儼然因君詩意好引我碧
岑邊

山村

聞說山村好山村今果然依巖溪送碓引水竹通

言里送詩
泉樵喜近家路農寬薄賦田擬歸攜十口小築白雲邊

方口店題墻上

近寺鐘催千嶂月小樓簾捲一窻山何當詩意清如許只合吟魂住此間

西巖寺贈石竺和尚

去寺未三里西巖鐘出林自然與世隔何用入深頭白感塵夢心空多好吟過谿因送客惜別荔支陰

送大兄下第南還

上巳輕風作曉寒又攜孤劍出長安河橋盡是靈和柳綠到江南不忍看

馮勉曾大行招飲話舊即席口占

先生愛客不言貧情語清尊對故人頓覺他鄉渾不惡秋風何必憶鱸蓴

寶礪堂夜集即事

難忘清話燼紅燈况有新知與倍增對竹敢誇入不俗歌魚試問客何能檐風拂袖如招至鈎月窺簾又漸升莫負主人翁偏愛士請君醉擘剡谿藤喜訥園和尚至都握晤有賦

朱門實倚信陵賢蓬轉萍飄亦有緣支遯愛遊仍
覓侶吳蒙久別只如前客途儘得癡頑味世事憑
叅懞懂禪我正索居君恰至歲寒還共雪霜眠

和劔南秋懷元韻同器先公子作

昨夜風兼雨秋光到眼前信遲鴻負約愁入酒無
權殘日戀疏樹晴峰驅暮煙蒹葭遙在望一水接
長天

未有煙霞骨風塵敢厭居倦蟲涼抱葉饑蠹老穿
書好景吟忘苦良朋跡似疏空齋聊獨坐蕭寂卽
吾廬

共嗟搖落候我意愛凄清露滴香浮硯濤喧綠滿
鐙幽花秋闌色衰葉夜添聲祇有西窓月還來伴
短檠

贈范陽曹民表明府四首

聖世崇儒術先生策治安仙人原作吏才子自能
官為政清還畏催科拙是寬輿歌方半載名已達
朝端

民曰來何暮巖疆古驛傍自公多雨露此地少冰
霜夜月寧村犬閉花繞印床旅人聞是語竊喜亦
生狂

言里邊詩
大雅尊先輩菁華海內傳齊名君是獻接武史仍
遷昔幸瞻模楷今猶奉簡編敢言敦世好車笠愧
相懸
萍踪聊自慰得傍一枝安對酒回鄉味聽歌減夜
寒已知艱鶴俸原不爲猪肝只借奇文賞思分八
斗瀾

聞鴈

回望衡陽萬里長客程隨我到江鄉漫言有翼能
霄漢難免低頭覓稻梁霜冷時聞聲唳月明還
照一行行須知飲啄由來定蘆渚蒲洲空自忙

九日山和宋人題石韻

有心尋古跡無句苔山靈野草迷仙竈寒雲落廢
亭苔痕猶漬墨峰影更垂青歸路斜陽裏漁歌何
處汀

岳王墓

風捲春雲樹有聲孤臣遺像至今生千秋青史魂
猶烈伯戰黃龍志未成南渡功名存舊壘兩河豪
傑哭歸旌白頭二帝空回首老骨難還五國城
祝澄齋王大將軍四十初度六十韻

瞻仰龍門百尺姿崔巍麟閣太平時兩朝濟美

勞專闔再世承 恩掌六師弱冠登壇 委鎖鑰
九霄兆夢 賚熊羆久聞策府藏金券屢見
綸章下 玉墀 天子宵衣 心獨 簡元戎拜
手節頻移汴宮花繞油幢煖晚浦潮生畫檣遲戍
鼓更嚴淞水驛陣雲晨暗越王埤心依 北闕巖
疆縮身寄南天半壁支萬里烽煙刁斗靜三春辛
苦羽書馳虎符霜肅前軍令豹尾風鳴大將旗
食壺漿迎父老元黃筐篚迓旌麾健兒調馬穿桑
徑都尉鞬鷹拂柳絲早假笑談安反側還畱醪續
起謳思捷書夜向甘泉奏 手詔朝從細柳遺

帝曰卿歸亦勞止人言公去欲依誰珠江銜 命
催珠勒 玉殿論功 賜玉卮唐室平章先節度
漢庭太尉列台司世卿望重金甌托 禁地籌深
絳節持甲第舊開都護府射堂分較羽林兒千山
獵火陪雕輦萬騎蒸雲擁翠綺壓雪野新殷畫戟
凌秋餓隼落金鉞尚餘小醜 煩西顧載 簡元
臣靖北陞推轂闔門隆異數提戈絕塞倚疇咨
內廷 宣賜黃金印 上廐仍 頒素面騏深入
不毛期執訊窮追無影絕張鷟神謀一夜喧鵝鴨
敵愾三軍振虎貔瀚海波澄堪泚筆天山片石可

留詩裁成露布方朝食奏上天顏忽解願從此
盡蒙安枕日於今乃是止戈期綠沉好臥閒苔蘚
紅鞞纔拋倒接羸羽扇綸巾嫺墨妙輕裘緩帶製
新詞床頭劒卧龍安蟄架上書翻蠹苦饑才子夙
傳摩詰句將軍原擅永和碑彩箋譜得紅牙曲黃
綃填成碧月辭芸架詩書裝玳瑁藥欄花卉映琉
璃庾樓風月關情甚謝墅琴尊托興宜橫梁雄心
還作賦聞雞壯志寄圍棋憐才幕內垂青眼得士
籠中盡白眉共道聲華方弈々豈知吐握日孜孜
進思每念蒙恩重食報還從樹德滋十八英年

登極品四旬華髮策殊施卦惟首健薰風候律應
純陽仲呂吹記月靈蕈猶鬱郁干霄修竹正叅差
朱櫻御苑初分果綠樹芳園恰囀鸚椿歲八千
真大樹槐占門第長新枝簫聲清徹秦樓月桃實
紅酣阿母池攬彩鳳毛翩紫禁搏風驥足識青
芝方平宅在塵寰住子晉人原世外資作頌自非
阿所好愛賢實爲衆同推曳裾不爲高門限結襪
還教後乘隨下士幸叨廣廈蔭高山仰荷寸心知
桐慙爨後猶存尾穎借囊中欲試錐絲繡平原欣
祝嘏飲開河朔總醇醪蒯緱自顧羞馮子糠粃居

前里述言
然說項斯未有鴻篇賡燕喜難將竹簡罄葵私瀾
安海國當年跡棠蒂茸城舊日祠青史聲華貽帶
礪黑頭使相屬龍夔西平將略今元直東晉風流
又獻之功勒鼎鐘方曰壽名留宇宙信維祺 聖
朝正重封疆寄吳越遠思膏雨垂

跨下橋

跨下橋邊秋草新王孫當日溷風塵重腫猶未知
奇士肉眼何須罵市人
不見書從圯上傳英雄能忍始能全辱君大是感
君意更比江頭一飯賢

吳志寧字硯含庠生子釗武舉載隨穎錄

屋倒硯存歌

康熙丙子年七月廿三日陡然起颶風滂沱聲更
急轟々徹通宵雞唱猶未息人語不相聞陰霾罩
檐黑盤根古木頽巨舫隨檣沒陸地湧波濤江心
見浮闕遭逢此異災膽喪神魂失憐我草堂幽先
人手親葺自當明末時湖濱聚寇賊恣其劫掠餘
化作他人室方喜邇年來仲子竭心力未能全局
歸且復三之一由漸紹箕裘長期詠燕翼圖書左
右陳八口晨昏集興廢固在天人謀難預測比看

日晡時忽訝倒東壁倉惶計莫施遽呼兒女出甫
 離小角門震耳如霹靂回顧棟與梁從橫雜礎礧
 若延須臾遲泉路排肩入追念開荆難能祭淚霑
 臆聊從室西偏老弱如蟲蟄偏覺更漏長戲吁而
 戰慄旋聞邊圉地時事更慘惻風定檢荒庭滿目
 皆瓦礫精粗盡傷殘屈指不能悉思之痛肝脾最
 惜散卷帙忽於蠶粉中一硯快完璧留作良田耕
 何須慮衣食豈獨貽子孫尤喜綿祖澤仲子手捧
 持頓覺忘憂悒骨肉既團圞晴光復和輯護持藉
 先靈自愧無寸德強笑紀長歌世世守勿忒

做庵公姓周字維南有梅花五絕七律二百首

詩橐四卷曾孫秉鑑易安氏藏本

諱之琪

述懷集古

近來惟樂靜不覺此身非自顧無長策安貧着敗
 衣病嘗山藥徧人訪葺門稀無復琴杯興愁多晝
 掩扉

盡日臨風坐煙霞是往還疏慵真有素清淨自多
 閒殘雨開斜日孤雲生遠山誰知市南地殊欲外
 人寰

誰念此幽獨其如隱者閒自然成嘯傲暫得靜心

顏片石聊當枕
深林亦閉關
何人顧蓬徑
玄髮日成斑

細雨

近聽檐聲寂
遙看霧色殊
點溪勻作穀
着葉聚成珠
繫恨絲難理
霑裳淚却無
迷漫不可望
煙徑長平蕪

次蔣括坤秋懷原韻

霜落天寒鵠
遠飛壯懷激烈未全違
忽思宗慤言
投筆莫問王章
泪濕衣
劍氣清寒吟寶匣
燈光殘
墮動書幃
冲霄實係男兒志
肯爲淞鱗却便歸

楓林一望葉紛紛
把酒狂歌醉落曛
燕子離愁添幾許
桂花餘馥剩三分
興來好問樓頭月
倦後還娛嶺上雲
野外漁樵如邂逅
笑談何必到詩文
衰柳垂陰處
士家客鞅休
碎滿庭花
遙山雨潤蛾眉秀
淺水溪分燕尾斜
茗椀浮香逾列鼎
絺衣薦爽傲輕紗
臨風倚立柴門外
數點晴鷗狎淺沙
依依翠竹滿庭栽
坐對雙扉向晚開
神澹喜看雲出處
詩成愛聽鳥啼來
籬間月影花微動
井畔風聲葉暗摧
不識悲秋何事苦
簫聲嗚咽起高臺

暮春諸同志集陳三初齋頭坐雨

藥院春深好雨知客來花下正催詩綠垂楊柳風
梳急紅壓薔薇燕翦遲芳徑落英霑屐齒畫樓香
夢鎖歲華君家投轄情偏重潦倒尊前醉莫辭

再過僧房看梅誌興

枝幹槎枒根屈盤冰霜操守自艱難白雲繞戶晴
猶合香雪迎輝晝未殘梵語覺來魂漠漠爐煙散
去影漫、相思動是經年別忍到花期不再看

寄和顧子書紳新構別業原韻

小關壺天路幾多不知人世有風波竹成鳳尾凌
霄漢松老龍鱗掛薜蘿詩社素交花月友釣船閒

纜水雲窩林間祇覺禽聲換落盡春陰獨自哦

久雨

亂雲飛下宿茅茨聽雨連朝倦不支助作窻陰蕉
葉長放寬池面藕花欹鳩憐去婦思歸切燕訓新
雛學舞遲謾藝芸香驅濕氣關情只有蠹魚知

梅影

獨立蕭疏影依稀訪故人莫隨斜月去畱伴可憐
春

馬上錦字網文號忍庵有櫪上草西湖雜咏詩
集孫大楷澄川氏藏本

春星堂送樹滋乃昌兄弟之燕

此地一爲別，迢遙帝里長。河山連北極，文物重南方。水闊龍雙躍，風高鴈竝翔。長安行樂處，莫忘草元堂。

賦得茂苑鶯聲雨後新

積雨初晴花滿林，忽聽曉曉試嬌音。煙銷吳岫調金管，日煖蘇臺和玉琴。頓覺春聲天上至，好攜斗酒樹間尋。年年南國驚殘夢，似向東風說素心。

看雲

偶來坐石對秋山，貪看浮雲數往還。倉卒奇峰飛

海上縱橫鐵騎，度窓間久知世態如君薄。安得人
心似爾閒儻，若從龍行雨去早。施膏澤在人寰。

春日寄同社

花時曾訂花前約，何事花殘興亦殘。不是綠花方
愛客，祇愁花盡未經看。春山雨洗青千障，春水風
迴碧一盤。可惜韶光無限好，長吟寂寞倚欄干。

劍鳴秋氣來

昆吾藏匣久，夜半忽悲鳴。恍若芙蓉發，凜然霜露
生。涼風振林木，殺氣響鏦錚。長嘯得無意，起看牛
斗橫。

宿圓妙觀紫腴山房贈秋亭俞道士

山房岑寂擬蓬萊隔斷紅塵門不開碧蘚有痕容
鶴到虛檐無礙放雲來珠璣錯落毫端出花草離
披指下栽今夜俗人親看取也緣宿世共天台

對鏡

蕭蕭白髮據華顛對鏡相看心黯然往日有懷成
畫餅邇年無事就青氈病多漸識君臣藥計拙終
疎子母錢自是非材甘朽腐不須搔首問蒼天

楚宮

鳳輦朝遊雲夢中君王歡樂與誰同六宮爭挽如

雲髻不及安陵一嬖童

秦宮

三月煙花翠蓋東渭流漲膩水融融
珠砂有記須珍重只恐回鸞驗守宮

晉宮

紅漆車兒駕白羊吳塩勝雪竹枝香輪聲隱隱歸
何處宮女三千各斷腸

飛來峰

恠石玲瓏面面通懸厓墜壁勢穹隆惱他生在西
天竺底事飛來塵世中

言里遺詩
陳學曾字景文號海鳧崑庠廩膳生著有落花
詩集分荆諸草遺藁散失僅得其殘編藏於姪

孫鶴立家

避雨龍潭驛

妒花風雨滿江村下馬來敲古驛門垂屋亂藤遮
檻暗傍階流水帶沙渾燕歸巢上烏衣濕鳩語煙
中綠樹昏更上高樓倍惆悵青山都被墨雲吞

夜泊燕子磯

燕子磯邊夜泊舟獨移尊酒對汀鷗一輪明月懸
山頂萬頃飛濤撼石頭漁火近依衰柳岸鴈行遙

斷碧天秋浩然亭上誰吹笛引動鄉思萬里愁

春暮感懷次韻

上苑花開車馬喧那堪寂寂臥衡門侯封萬戶徒
成夢賦買千金誰復言雲雨不來龍受困鷹鷂得
志鳥含冤荒村孰可談經濟獨向西窓把虱捫
自入春來事事違天乎人也是邪非心同病鶴空
思奮身類窮猿無所依苔綠如錢難濟急月圓似
餅不充饑夢中清興還如舊夜々尋芳歷翠微
無聊整理舊詩文淒雨酸風日日聞野藿連根供
早晚生柴帶葉舉殷勤還思攜杖尋芳草幾度推

言里言
窓望夕曛惱殺春泥銜蠟屐負儂酒舍日醺
每逢佳處卽盤桓隨分隨緣方寸寬難得酒醒琴
寂正思夜讀月團團不求軒冕何嫌賤未識憂
愁那少歡惟有聰明多自誤曾如守拙得恬安
春來春去大江濱豪富總輸公與卿五夜孤燈陪
瘦影千金一刻是虛名古琴薄酒消清晝白髮青
衫恥 聖明知命樂天行吾素有何疑事問君平

贈秋江大兄

吾宗一老白髭鬚遊戲人寰知者無見利自能明
我義入時怎肯傍人趨名花好鳥詩千首朗月清

風酒百壺却恠乾坤原是大茫茫今古此身孤

落花

豔質旋爲陌土塵傷今懷古淚霑巾吳宮鹿走無
西子楚帳騅飛失美人塞外黃沙埋玉骨樓頭紅
粉化青燐紛紛恨事俱如此零落休嫌短命春

旅懷寄佩黃弟

屈指睽違又隔年誰將客况達君前奇窮却笑無
人敵久病方知鬼有緣灰盡雄心餘白髮消除豪
氣剩青氈征鴻若會羈愁意漫把平安兩字傳
李王章字宗範號迂庭廩生門人王立禮口述

題歲朝圖

老去支離拗一枝駢頭奈少玉嬰兒只消一物稱
如意歲進屠蘇酒數卮
地爐撥火酒初溫剝啄無聲掩草門好向畫圖新
着句平安還道意中言

陳朱組字佩黃號硯堂監生孫鶴立藏橐

硯堂即事

僻處溪橋畔全無塵事譁巢安新社燕樹發舊園
花曲水千層縹平田一徑賒夕陽風景好詩酒足
生涯

朱林字鄧雲廩生居里西之林家港十一歲入
泮乾隆開科擬魁失三場憤恚而沒年二十三
有文橐行世詩一卷其自序云周君東昉編其
詩曰爾爾余亦曰吾吾是二稱者皆玩世不恭
之意也余則何敢然有知我者亦可以諒我矣

擬古

良辰耽宴會遊戲相徵逐百斛量酒漿千斤論羊
肉華薌美重秬芍藥調餘馥熊燔有兼魚雞膳無
更驚二八雙髻髮華袿曳織縠舞知七盤紆歌嫌
三疊促絃歌何冷々密坐薦新聲一彈寡婦吟再

彈鷓鴣鳴願君且諧笑此曲難爲聽

湯之江漢水異源同其流况我同袍子良契世無
儔駿馬不在轡結交不在利何以贈少年雙璧雜
珮環璧以表完粹環以維永歡松枝化爲石終不
慙貞堅枯木亦有脂朽刃亦有鐔路旁齷齪子緩
急獨何託

辟疆園

當時良燕會漠漠白雲空勝賞畱遺迹年芳怨不
窮鳥歸飛絮後人在落花中况復西江月淒涼問
故宮

對酒貽周東昫

戚戚抱憂患秋風悲故枝還家惟下淚不及客遊
時念子爲同病臨觴有所思孤雲與流水飄蕩欲
何之

雨懷

樓遲隨分寄林臯江上窮秋風怒號浪跡久知輸
斫脢經年多病廢持螯船迴鏡水人何在笛繞山
陽夢亦勞萬恨千愁迸寒雨暮天無際斷鴻高

所思

已見北鴈歸離思癡心曲斜日不逢人寒江雪中

綠

自南里歸

叩舷辭甫里泛々動輕波江水春前闊人家雪後
多愁深勞遠望歲逝失高歌吾土還如寄平生有
釣蓑

去燕

雙宿雙飛夢惘然舞餘曾見尾涎々關山樂府誰
爭唱王謝風流最可憐舊迹但存芳草路離情無
限夕陽天朱樓深閉金堂冷惆悵重來又一年

九日風雨夜乃見月

昔時幽人東籬陶恥對黃菊無罌醪我今九日更
寂寞惟有苔蘚穿蓬蒿楊柳彫傷桂枝冷寒鴉啼
噪野犬嗥西風掀簾雨打屋窓紙颯々吹波濤床
頭破書兩三卷臥拍銅斗歌離騷少日自負肝膽
豪睥睨餘子猶兒曹鏤鏡太華幹雲夢咸池宵默
宮商操塊壘一斗澆未足肉食不到中山毛連拳
有似雀在瓶飛颺安得鷹解絛窮途分遭俗輩罵
舉止生硬慙非樺丈夫貧賤不措意大笑狐貉驕
縕袍天公憐我湖海士爲喚明月升林臯小星半
隨空煙滅老樹直上明河高蚊蟲螢火各賦媚蟲

絲蛛網爭抽縵夜深人靜度遠籟嘔軋往來聞漁
舸徑欲買舟下竺澤烹斫鱸膾持蟹螯豈比喔咿
混廛市皺眉終日心勞切菊開更作重九會剩有
筆力能題糕

春晚坐雨

繞砌荒苔色敲窓夜雨頻殷勤將盡燭更對欲殘
春石澗菖蒲長山園杏子新半塘橋上酒愁殺聽
鶯人

深院

楊柳陰陰院落虛只餘風露拂階除迴欄幾處垂

簾靜曲閣無人按拍疏銀葉午香供繡佛玉釭春
水養朱魚漫傳蔽膝能醫病贏得釵頭小篆書

採蓮

江南可采蓮紅船雙畫楫昨日采荷花今朝采荷
葉

放歌行贈周二東叟

昔年十三四與君共周旋我少君復壯意氣俱無
前紛紛俗物安足歎志橫空冥落八埏萬事榮枯
夢中蝶坐令綺歲變塵劫无妄君初賦鑊魚辭家
我亦彈劔缺侏儒自飽方朔饑綈袍無人戀范睢

鬪雞走狗邯鄲子一斗十千平樂兒床頭金盡不
相識却悔從前握手時身遭坎坷道猶在長揖貴
要揚鬚眉君才下筆破羈鎖能從悲壯出婀娜傾
蓋逢迎契膠漆舉世無如子知我：家結廬清江
頭心安時命百不憂曉看田父荷鋤去夜見漁人
披髮遊黃鵠高飛終失路憑君且讀鷓鴣賦人間
肉食不須與窻下著書非世務秋風秋雨轉成悲
老大空山看桂樹

敘懷

進無諧世情退拙農圃術戚之絕歡踪窮年守蠹
帙頽景飛隙駟流光思蟋蟀急飈蕩繁英嚴霜慘
勁質愁緣感物起道由多累出常恐縈思慮役之
爲愆失持謝山中松歲寒當來足

蚤起

孤螢映衰草冷露未稀及茲稍凉冷起坐攬寒
衣殘帙散不收餘燈猶挂扉躡履步前庭星河暖
微微俯聆思蟲嚮遙聞驚鵲飛歎息此流運已將
心事違

江上

日暮燕盡歸雨輕絮猶起借問打魚人門前幾篙

水暮燕雙歸兩聲繁餘或計問竹魚入門前幾處

玉階怨

玉砌行踪斷依然惜別心不知芳草色何事又春深

秣陵秋思

蝶倦鶯還歇秋來露漸溥秣陵無限樹楊柳最先寒

追省

銀蒜低垂漏箭稀鳥啼人語不關扉閒階露下桐陰濕頻為春寒勸着衣

珠雀搔頭玳瑁梳如雲鬢髮映香車誰能拂拭膠東紙重校蠶眠細字書

醉後忽憶碧梧道院牡丹戲為長句呈坐中諸子

平生愛花作花癖度澗穿林費遊屐今年臥病百事懶有如軒鶴鎩羽翻浮名物議遭羈絆十日虛為玉峰客碧梧古院颯蕭爽仙葩歲勅青帝掌冶葉倡條安在哉天與沆瀣為胚胎姚家黃魏家紫世人分別強解事我聞此語掩兩耳但能爛漫皆可喜鸞車鵠轡虛無出神女大笑開玉室手攜彩

橋呼我遊我謝未暇請他日東家橫笛怨折柳銀
箭金壺轉蕭瑟事去空餘蜂蝶忙狂豔亂蘂須臾
畢諸君跌宕意氣盛指揮八極隨動靜買絲爛斷
未逢人磨蠍不死終司命盡言槽櫪伏霜蹠慣見
泥沙蝕金鏡悲歌擊劍空爾爲歡呼取醉須及時
早歲同袍子半登青雲路身坐高車騎大馬襍穢
紅塵汗無數朝吟釋愁文暮諷留窮詩飲能三蕉
興過之我輩此樂豈易得何爲苦羨鄉里兒齷齪
不得伸鬚眉畢公船劉生鋪神仙只值一馬肝日
月曾消幾羊胛塞翁失馬得馬同欲畫五岳遊洪
濛不見古時玄都觀兔葵燕麥搖春風

宿太湖口黃洋灣

煙樹晚淒清風橈滯水程一身爲梗泛永夜有波
聲漁火兼螢滅沙禽觸葦驚無因尋范蠡牢落洞
庭橫

園林夜坐東懷武林舊遊

池上生夕涼郊樊散餘暑人稀竹漸風月出桐猶
雨自我垂觴咏於今學農圃寸心極天末之子好
音阻秋水闊西冷何處搴芳杜

桃葉渡

玉樹歌闌唱桃葉桃葉渡江不用楫桃葉山前朝
洗兵桃葉渡頭夜飛蝶鶯花散盡風雨孤金蓮寶
屨俱黃壚石頭城下連天草可憐亦有莫愁湖

秣陵舟次阻風臥病

夙與靜者期將從性所安誤爲謀食役傷此行路
難長薄厲陰條迴颺驚奔湍津鼓霽傳響榜歌夕
流歎徒旅憎疲瘵衾枕絕晨殮慊々旅腸斷肅々
客衣單相知不忠厚誰當同歲寒偃蹇山中桂蹇
修託飛翰

燕子磯蚤發

歸思非一朝解纜及初旭近迷層厓望遠豁平楚
矚沙漱澄曉光郡邑散晴縹林疎弱蔓交橋斷臥
碑續旣浴魚鳥趣復聆耕釣曲拙即求齊瑟才非
獻荆玉早歲不爲樂懷哉傷局促

渡江眺金焦兩山

江水與舟遠天風信帆棹雖嗟蓬梗泛實愜知仁
樂迤邐見雙嶼靈詭非一貌鐘梵時有無龕宇互
窈窕石湧覺潮生雲亂知禽鬧岸傍結茅屋何人
適垂釣惆悵白蘋秋茫々落殘照

常州道中

言里遊記 吾吾集八
卷畫溪頭雨樓，乃問津浮名遲悟道多病易懷
人鳥雀荒村晚魚蔬野戍貧歸颿及風便一問故
園尊

別田家二首

到家荷芰盡高葉半辭柯野老能來往開尊暫笑
歌潦深收稼晚寒近采菱多欲待黃花發扁舟奈
別何
日夕荷鋤返饑劬還掩扉爲農君自憊入世我何
依顏鬢羞明鏡簪裾笑敝衣猶憐五畝宅可息漢
陰機

孝陵

寶城鬱鬱鎖崔嵬尚憶先皇酌酒杯故國銅仙還
雪涕長年石馬自封苔大江木落三山動輦路雞
鳴十廟開天壽松楸亦蕭瑟不應猶恨燕飛來

蝓蟻行贈周東昀

蝓蟻轉糞丸不知蘇合香擾擾九衢道按劍擬夜
光時俗好惡多錯亂紛紛眼見登天翰含飴巾杵
慣雲霄落魄周君一檮散周君詩文早秀發芙蓉
娟好柳勃率下筆動盪捷有神珊，窈窕神仙骨
驪龍難免獷獺笑駑駘嘶奮驂騶蹶極知彩筆解

生花其奈錦衣空貼月少年豪富變顛顛但做三
弓立錐地即今下帷不窺園乞米時學顏平原門
東飯蘿久矣空兒衣斑駁天吳痕鄉里小兒狐白
裘何人知君婦無視此時窮冬江木落霜氣稜々
風肅々吾道本艱難世事苦反覆生身不願七寶
裝但愿常得障錢簾我欲贈子無綈袍塵胷空囊
鼠時宿命豈汝仇作狡獪故使相於總貧億虞翻
知己從古希窮途阮籍泣勿悲曳裾侯門子所恥
不如挾策吟烏咿君不見甯越終作王者師買臣
負薪晚見知風雲變化會有時不然著書藏名山
魁

水閣

雕鏤皇墳挾神奸楊雄提槩誚覆瓿識字終然成
不朽何況我子德行敦佩服芳蓀握瓊玖周君周
君歸去來化兩鴻鵠雙徘徊狗屠擊筑自悲壯孺
子濯纓同歡咍呼牛呼馬何足較楫拙爐頭燒芋
十四歌樓冷玉簫曲欄茶館倚河橋紅菱白果邀
君坐閒看斜陽弔六朝

沈氏園醮會

殘菊一銷歇驚余歲暮心羣賢能慰藉暇日共棲

尋曲沼遊寒鮪空樊下夕禽清尊芳醕滿頓使豁
愁襟

送蔡子珠江之奉賢

愁君屬歲晏雨雪灑寒林獨與故鄉別去聽鴻鴈
吟無家輕作客一飯即知音定過機山下傳余懷
古心

早夏書室偶作

空庭草長來客稀遊絲落絮相因依竹簾斜捲高
枕臥微風忽動紅薔薇天空無雲燕子語落日挂
樹蜻蜓飛丈夫豈得舍筆硯野人本自輕堅肥雖

非吾土亦洵美茶鐺酒盃聊忘機

秋夜

秋寒水國雨初成夢斷櫻籃天欲明無奈破窻殘
燭下鯉魚風急鬼車聲

金閭夜行

金閭城外玉驄驕紅袖欄干十四橋夜半酒旗還
不捲一聲吹過賣錫簫

懷佳人

江干采紅豆日夕望林霏中有獨棲鳥悲鳴起翻
飛晚晚歲華改之子好音違密契曠歡爵流情激

商徽屏營以延佇千里廓無依孤舟從南來欲往
良苦饑眷彼天上月含輝照君衣誰令辜願言獨
蒙霜露歸

即事

樓上花枝橋上雲踏歌恹斷不堪聞香車縹緲辭
張碩繡被淒涼失鄂君半瓊醪醲愁裏醉一絲沉
麝夜深焚天涯咫尺無消息護水鴛鴦近幾羣

書院首夏貽諸同學

逝景錢餘辰微和扇新節鳥鳴深院靜頗隔長者
轍朝砌若榴翻夕庭天桃結清陰無定在因風自

成悅高賢激頽波於此彙時哲顧余蹇劣資無能
被羈紲叨陪文翰侶經論共披閱時駛道實紆術
完理多缺夙非寡尤悔曷以澡芳潔目笑長卿車
意感叔孫萇蓬心欲有效請聆日新說

臥病

列仙本癯者愁疾默含情故里書郵隔空囊藥債
成飛蟲妨隱几鬪鼠出前楹欲了維摩義唯應證
達生

掩扉

虛扉日夕掩秋氣謐以清涼風動高樹芳草不勝

情歲運無停躅冲襟徒自盈神仙何足爲虛無喪
其精哲人懷濟世潛夫激隱名碌々隨流俗淹留
竟無成勗德秉微尚默處慙友生惟應守拙薄終
與道義并

感懷

花思怨風晨草意歡雨夕覽物旣殊性人亦異其
宅蔡生早齒肥君平老執笑曰余師知命守雌仿
在昔燕來棲梁間野蜂巢墻隙宛々聲與音高下
各有適委形復何慕書此謝三益

江上曉起言志

雞鳴野氣白孤鴈驚幽夢村墟煙火早人語稍已
衆日煥檐霜蒸風勁田雨凍散髮開四軒寒光被
羣動林籜自悲吟馳波更相送容顏颯頽節簞瓢
迫屢空靜嘯惟一絃從遊非二仲徒獻荆山璞終
抱漢陰甕知命復何憂勗哉戢良諷

言里田家

結廬東臯上縱橫挂鋤犁茅檐蔓果茲棘援攢藤
堤高禾連岸合帆度識前溪兒童相與牧漁釣亦
共攜日暮衆鳥還桔槔猶灌畦方念秋社近兼之
芟穫齊雖言井邑瘠酌醴可烹雞沮溺沉冥意古

今非復睽

再入書院感懷告諸同學

落魄窮途未報恩浮雲世事不堪論臨風一灑羊
曇淚翦紙同招杜甫魂亭外寒楓猶自舞檻前歸
鳥見孤翻相逢且喜相於舊鬪取東籬濁酒尊

排悶

百年鼎鼎物華新愁思茫茫集暮春天末曉鐘悲
斷夢雨餘殘照入輕塵青檀舊是王家物鮭菜誰
言庾杲貧南浦縠紋明鏡裏釣磯慙愧未垂綸
小門深閉草叅差門外晴煙裊碧絲高枕不堪成

獨覺一春長是負芳時梨花無主空開謝燕子當
風易別離慷慨壯遊君莫問此心今與白雲期
芍藥欄干桃葉津雉媒聲曉冶遊頻筵前燭炬千
金博陌上笙歌一騎塵紈袴自應無餓日柳車何
限送窮人風光流轉多蕭索坐對年芳涕滿巾
畏途擾擾悟浮生松竹依依向我清舞蝶遊蜂溪
上思枯魚窮鳥世間情著書未暇追徐幹圖畫終
當寫向平且喜枳籬茅屋在扶犁隴上聽催耕

閉門

閉門聊隱几殘睡夢難成酒殘拋炎暑書籤曝午

晴空庭歸螳鬪高樹亂蟬鳴早識榮枯理何心與
世爭

舟行口占

息心猶未得征棹且逶迤燕起湖田靜蟬嘶驛樹
悲無才宜浪迹失路拙逢時漁父還相問風塵何
所期

春日高齋

稍、疲疴豫東風春事殘綠蕉書斷夢紅豆記加
殮日有虞翻恨方爲范叔寒遠遊今已倦虛戴切
雲冠

哭周二東叟

是月鄧雲亦沒一時文人有

巢傾兩鳳之悲

早歲通膠漆過從結佩韋酒尊時共舉談塵亦交
揮叩角歌猶壯彈冠計已非霜風何太慘瓊樹最
先腓

相思同臥病相見重嗟吁不謂頽齡促俄隨逝景
徂地猶容俊鬼天獨厭寒儒寂、幽宮裏知余問
訊無

王子先遊岱周郎復委塵知音常苦少奄逝劇傷
神雪涕看餘子如君乏替人才名真夢幻身後總

在日憂魚涸那堪叶鴛占寡妻啼破帳穉子覆寒
苦種橘空思李斜衾不蔽黔貧交何以賻惟有仲
回縑

鄧雲遺文如麟膏鳳髓詩詞根柢騷雅出入六
朝自具一種風骨蓋由天分高學植富也是編
外間罕有乃胞弟所藏殘紙賸幅皆作者手筆
余彙而錄之遂成全彙乾隆二十七年季春遠
亭王立禮記湘雲潘廷與藏本

趙格字卽凡號芳亭世居車坊以館爲家保聖
寺東北院僧清璧之父是詩是其口誦也

紅梅

羨爾孤山舊軼羣何年淪謫到塵氛不因向煖顏
方改直是臨寒酒乍醺遯世冰心藏一片動人春
色帶三分品題若得歸東閣定有芳名作冠軍

張陵積雪

雙阜連雲積素平登臨無限古今情行踪已斷孫
妃墓埋玉猶留漢相名一色煙波天易暝孤舟衰
笠畫難成冲寒拚借僧房宿餘興明朝看曉晴

階前草

嗟爾不自量何事生階除不合主人意一朝敢怨
鋤

蕭翀字章辰號青陽已酉副貢仕桃源縣教諭
終於官壽八十四載夏半瓢探驪集

臨安懷古

和議高懸望海樓太平有象甲兵休頓消北狩千
年恨好唱西湖十里遊艮嶽斷雲歸虜帳雷峰殘
日壓秦頭君臣自有偏安策枉殺啼鶻到汴州

登黃鶴樓

仙踪鶴影渺難求一望乾坤盡此樓巴峽浪冲三
楚圻陽臺雲送九疑收孫吳霸業風煙過屈宋文
章江漢流安得元規塵漸滌共乘明月洞庭秋

寄洪景園

碧草轉夏色懷人此際多無由共魂夢不覺起悲
歌荏苒一花落飄零三月過東詩常不達吟向夕
陽阿

九日病中卽事

病裏逢陽九秋光劇可哀倦聽檐樹落喜說菊花
開寒戀風前帽香留藥後杯此鄉交最簡莫望白

衣來

忽忽負佳節茫茫作旅愁一聲河鴈落獨臥草堂
秋衰颯誰青盼艱深到白頭所欣惟古道長此礪
媿修

庚戌春日送胡西垞入都

揮手一惆悵萋萋江草平回潮煙際暝流怨笛中
生醉壓胡姬館春啼上苑鶯殷勤別後事細細數
征程

薄暮江臯雨無端生遠心張琴彈向夕流水有知
音尊酒春風合離堂燭淚深他年衣畫錦此際重

難尋

馮承宗字啟賢號古宜載探驪集

襄陽初歸半瓢招飲即事

曾記臨行折柳枝離筵腸斷渭城詩故人一別成
遼鶴楚客重過已鬢絲密座轉令沉醉易倦游猶
作夜歸遲東風滿耳愁檐鐵不使庭前燕子知

次孟起山居

幽居還與鹿門同丈室逶迤一徑通月映疎梅橫
夜靜霜凝獨鶴唳寒空林間塔影浮池上郭外青
山納檻中避世不須身去遠知君聊復寄墻東

南里遺詩
蕭蕭梧葉下
秋目憶胡西垞浪遊

蕭蕭梧葉下柴荆感激中懷酒漫傾鄉國幾年兄
弟別天涯何處故人情微霜點鬢孤舟老秋草連
愁一夕生每憶江樓聽玉笛不堪流落竹枝聲

重九絕筆別諸親友

病臥空村菊正開西風颯々掃莓苔月移漏壁魂
初返燈墮星煤雨忽來垂死懷人驚鴈斷達生無
術怕蟲哀山邱華屋都元解辜負登高酒一杯

聽楊永年歌曲

碧梧深處漫徘徊一曲秋風燭未灰猶喜何戡身

健在人間誰得紫雲迴

昔遊如夢鬢如霜哀樂中年感正長今日重來記
紅豆座中愁殺舊周郎

陳璋字峙珊號植夫又號隨時考取佾生著有
隨時吟草子心鏡果園氏述

甲申九月二十八日六十誕辰無以自慶集
先大父企洋公句得七律十首今錄其一
半村半郭是余家曲水低橋竹徑斜春麗百花秋
夜月冬宜梅雪夏桑麻甕頭新釀尊常滿爐火時
紅客便茶莫道幽居鄉味少溪魚園筍不須賒

陳埏字苞九號曉亭晚年有葑溪詩草壽八十
謁伍相國祠

窮士空亡命難全忠孝身父兄雙殉國吳楚一孤
臣鑄像金磨滅浮江廟鼎新渚蘋千古薦瞻拜共
傷神

陳鳴鏞字昌虞廩生有夔堂吟草

咏蘭

秀色不輕吐朝來香襲襟最宜君子佩曾入聖人
琴靜氣渾俱化幽懷每獨吟何須勞采采常此抱
芳心

高顯宗字振聲號宜堂乾隆戊午科舉人任江
西上猶縣姪衡午峰氏述

贈田荆圃

君家邈翁稱好酒醉戲萬乘若僚友今君時復一
中之醉問青天每搔首醉鄉之域本來寬冲漠不
知悲與歡但得日傾三伯琰何須更乞酒泉官憶
昔邂逅蕪城陌蓮花幕裏風流客逆數如今已二
年七百晨昏一朝夕小樓細雨春風寒將離花發
春闌珊客中酒薄不堪醉未得與君傾肺肝歸來
路限城南北平原高會難追逐知君酒量自家傳

詩里選詩
高
但向花前日枕麴

田居雜興

予也少孤露學殖同堰苗助長乃損之吾腹成虛
枵近讀伯穀經樹藝粗能調歲晚冀有獲得比詩
書饒所藉雨露勻否則還枯焦田疇近吾廬榆柳
紛繞屋樹籬爲屏藩荆棘與樸橄吾取木不材兼
用鈎刺簇編葺周匝成聊禦犬羊觸巨細用適宜
造物均養育稊稗亦望成而况藝五穀

雨夜有感

輕埃漸到翻盆古徑人稀掩葺門城上墮雲欺

白晝鄰家乞火替黃昏寒釐一飽渾忘味敗絮重
裝已少温竟夕西風振叢薄定摧殘菊委籬根

越遊紀事

冰溪露淺清霜木見疎朗扁舟東南來天地一俯
仰迢迢玉虹垂渴飲狀雄爽松陵太卑濕具區何
沈茫峰多列若鬢波靜平於掌煙破一鳥飛雲深
艇孤往夕景明遙村初程勇雙槳聲傳渡客喧風
曳林鐘響船底驚魚筭若下醉盆盎霜威透裘寒
月色推蓬賞聽歌吳音希隨人越語強湖山曉忽
來過眼遂成曩劫走日車擾擾掉塵鞅嚴城動

鎖鑰入郭客舟榜五馬爲通門縫掖得相訪使君
千騎歸長揖我鹵莽欲作西湖遊所見聊可廣雲
失山半面雨阻屐一網浩渺興古懷遐邇入元想
烏喙昔霸功翻藉越客網何如射潮人半壁稱雄
長一馬渡江來王道乃偏黨兩朝恥未雪三字獄
何枉詎意厓山舟亦在天驕壤山川日蕭瑟湖洄
思悵快感事若發疹得句勝搔痒高慕北征詩老
杜不我固一聲扣舷歌林穿玉蟾上

橫橋移泊

夜枕生寒一雨過曉山樓閣尚模糊篙師指路通

舟楫風伯驅雲見畫圖寫照豈能尋北苑吟詩怎
忍負西湖春來草綠裙腰路天許閒身假我無

送楊謙山北上

一醉紅亭解鬱陶翻然命駕別蘅臯鷓鴣喚雨家
山遠鴻鴈隨君北地高莫望寄書煩赤鯉休矜諷
體託櫻桃何如早卸風塵鞅谿口春田聽桔槔

程志堅過訪賦贈

江郭遙通春水船煩君問訊白雲眠竹林風度思
當日蕭寺書名已十年舊雨客來今雨共南枝梅
謝北枝妍鄰家誰過墻頭釀好就檐花醉鄭虔

游東山庵

出寺穿松石徑斜翠微深處有僧家繞林擊柝春
防筍隔崦聞香午焙茶滿耳黃鶯皆好樹四山紅
雨已空花誅茆我欲離城郭割取峰頭一段霞

訪雲廬道人

箬帽峰頭雪霽時筍輿同赴隔年期春寒谷口逢
梅少日閣山腰度嶺遲心許赤松尋往跡才慙石
鼎夜聯詩塵勞未覺迷途遠願得相從一問師

初夏得同年沈歸愚信用司空圖韻奉酬

魚動春波望尺書以來花落滿階除自分膠漆同

心後已廢書詩一月餘紅壁搖燈推枕夢青苔覆
地閉門居寄聲驛路乘車客知我迴腸轂轉如

和張允成

百里琴川擬放船秋燈話雨夜須然晚菘帶露猶
堪摘濁酒論文也自賢數見不煩通尺素忘機何
用佩韋弦夫君珍重嘲風月莫愛驚人句子傳

寒夜圍棋和張景陶廿四韻在秀野堂作

夜堂清梵罷客子別愁刪呼酒驅霜冷依僧化石
頑鼓聞聲坎々漏下響潺々小院偏隣水雙扉早
上闌窗昏燒燭照衣薄怯身孱鬪茗難消遣敲碁

南里邊詩 高四
遞往還守疆宜固壁引勢欲循環對局思鴻鵠摧
枯似草管行兵同詭道設伏破神奸雅度東山謝
長驅定遠班智囊傾小技戟手望高攀城柝三更
動風鈴九子珊坐來清似水不寐守如鰐覆局無
多着忘機一傾間茫、爭白黑劫笑鷗鷗忽散
泡漚影真堪涕淚潛北風穿幕隙西月掛弓彎古
硯凝蟾水名香藝鷓斑輸贏分數目吟咏助幽閒
韻窄終愁險詩低易破慳遙空橫羽翮高唱絕塵
寰聽駭荒雞曉心飛碧岫灣不須思橘隱何用戀
商顏寺冥期良畫翻然出故山

許念祖字永言號希古監生陳果園藏橐

秦中懷古

嬴氏雄圖落照中山川形勝尚崇隆水來九折黃
河路天峙三峰白帝宮終見降王迎御輦漫教術
士訪仙踪廢興莫問咸陽事萬古潼關逼太空

蜀中

蠶叢開國久蒼茫事業西南幾戰場漢室臥龍軍
壘在成家躍馬帝城荒崢嶸劍閣雄秦甸浩蕩巴
江控楚疆千載詞人摘藻地含章秀發弔王楊

鄴中

南里邊詩

高四

馬安書屋

當塗高踞竟三分衰草漳濱認故墳烏鵲有枝栖
夜月銅臺無瓦化寒雲建安詞賦原才子天下英
雄讓使君張掖他時流石馬更何人託魏將軍

姑蘇

夫差舊壤草平鋪城郭空存憶霸圖盟主不知天
與越老臣早見國非吳月明江上潮猶怒花落洲
前境已蕪長晉伐齊成底事頓教麋鹿滿姑蘇

明妃塚

夏半瓢探驪集

君恩新識畫圖眞玉貌誰憐委塞塵惟有李陵臺
畔月千秋同照漢宮人

陳培脈字樹滋太學生出探驪集其詩散見里
中者二編續出載過別裁不綴

贈沈芝崗

山水含清音吳興實靈壤自古多俊民流風被州
黨夫君後來秀抗迹千載上德音何孔昭今吾結
遐想

寤寐亦云勞觀止良已暮美人方滿堂目成獨余
顧探懷贈芳蘅珍重托情愫感此繾綣心涕下如
零露

古聲日以微繁響競哇淫朱絃獨疏越風有遺

音聞聲固自昔托契方在今惠而能好我一鼓邱
中琴

送沈芝崗歸吳興

舊好託素心新知眷良足晤言期許子時來一促
膝尚論窮皇墳雅音辨樂律共副饑渴懷何啻膠
與漆

回首京洛遊風塵何瀕洞翫不諧時文彩特驚
衆鐘鼓祀爰居罽羅篡威鳳厄窮自古然迴車能
無慟

秋氣方次濼離緒忽以促願言永今朝設饌申款
曲白駒不可維迢迢反空谷比德喻生芻其人信
如玉

許名崙字蘊源號訪槎監生應博學宏詞試

再寄家人

結髮相從情有餘牛衣任泣惜分裾 堯天皞
難肥遜潘鬢蕭蕭竟索居別後襟懷應更減秋來
眠食近如何春風敢望泥金信且寄平安尺素書

有贈

五陵俠客遠行遊一曲紅綃醉未休笑我寒酸無
贈物濤箋一幅當纏頭

商聲促節瀉琵琶動引離人不憶家我恨乍宵鄉
夢短肯將心事托楊花

許士奎字元士號嘯圃監生已上俱載探驪

子夜歌

知歡未識面欲避不與見花枝太無賴抓住盤金
線

韓浹字大川號竹溪散人嗣孫振寰述

過青邱作

一棹乘風過北洲轉西村落即青邱鳳臺有集人
何在江館無踪水自流紅板橋邊沽酒店綠楊樹

下釣魚舟目前美景須行樂不管蒼生易白頭

趙接字客菴號學圃有綠雲居草子九臯藏本

次金蔚園見懷原韻

海國英才藪先生大雅門絃歌沉永漏風雨念孤
村猶憶題鴻韻曾經把酒論不堪江上望秋思動
鄉園

秋夜懷京都可亭弟

秋宵誰唱望江南明滅青燈漏轉三感動吳淞厓
上客夢魂飛渡萬重巒

泰岱峰高濟水深三千客路五更心遙知北極登

詩里選言 韓走六三
樓望足練難將故國尋

鴻飛冥之薊門高長隔黃河萬里濤
姜被不温蠟鳳遠東籬獨自把霜螯

示仲子九臯

海國吾生地淞濱爾故鄉別時梧葉落歸省菊花
香只此家庭樂何須富貴場同吟忘日暮窻外雨
絲長

戈湘字贊王號澹寧善書畫陸靜軒藏橐

梅花上下平三十首之三

瓊枝不與衆芳同早釀春和一歲終誰識未花先

有韻放梅只待好東風

南北江梅花已齊雪消晴路活春泥不嫌野境無
人到靜掩柴門聽午雞

登臨每恨宿緣慳安得羅浮一枕山屬意梅花千
萬樹置身茆屋兩三間

夏點字與曾號漁村以館爲家沒於保聖東北
院周易安藏橐

寄吳山道人徐湛懷

握別三秋又半春仙居重卜遠紅塵遙知瑤草琪
花處一卷黃庭禮玉真

春來多病懶登臺
慘綠愁紅眼倦開
惟有懷人情
一片不須招得也能來

絕罷風聲又雨聲
寂寥煙景近清明
杏林有酒無人醉
獨立江頭望遠城

萬種離愁一尺書
寄將聊慰故人疏
高情如許憐
岑寂跨鶴重尋野士廬

賦得天地一沙鷗
陳名章口述

地老天荒後
詩人已白頭
浮沉一點雪
飄泊五湖秋
忘機慣汀蘆
弔影愁

陸焜字奕輝
號硯樵
禊亭之後
壽八十四
著有
研石山房一卷
其孫鏞字序東
號靜軒
集其橐
未竟而沒

秋夜

如水秋光好
疏林得月多
聞聲感搖落
顧影發長歌
幽意淡如此
我懷竟若何
廣寒高百尺
脈脈問常娥

題陳象乾騎獵小照

丈夫意氣當昂藏
桑弧蓬矢志四方
何事徒守兔園冊
終年矻矻窮縹緲
自古經文定緯武
喔以雞

甫里詩

見石山房

易安書屋

聲拔劍舞燕頷不肯作書傭萬里封侯投筆取陳
君示我試騎圖南山射獵讀書餘圖中之人美如
玉欲何之乎吾欲呼

古意

伐木須伐檀采花須采蘭天然有香質總得供郎
歡

送周价人之維揚

汝南有佳士人共目狂生挾筆龍蛇走吟詩泉壑
鳴三春寓仙館六月返蕪城杳々冥鴻去歲寒我
訂盟

哭硯村五弟

一鳥哺九子三女得六男兩雛幼不育四子共依
瞻上兄下二弟我行次居三子多母血枯愛深父
訓嚴書包每同抱推食讓梨甘我年甫十四北堂
痛寢苦季弟少六歲哀毀尤不堪

生我兼鞠我椿樹鬢毛斑祖業貽清白食指衆維
難男婚併嫁女力劇精亦乾潑墨圖五岳形神自
相憐秋來呼易簣淚竭摧心肝

長兄四十九中道嗟無祿孤鷄泣呱呱撫棺不成
哭頭角嶄然見有後期邁族痛兄爾亦病神瘁似

槁木力疾試風檐空羣拔小陸
 金風起天末颯々颯其颯吹人斂肌骨肺腑同煎
 熬弱質素柔脆饑驅意興消二豎乃為虐補髓無
 神膏瞠目向吾視對之心鬱陶大兒未成立小兒
 始垂髫大故變倉卒束手徒跳號賴有穎川妹推
 本恤同胞不惟視含殮更為贖青袍楓林雲黑々
 魂往不可招

西施

苧蘿相訪訂終身霸越亡吳共苦辛朝夕含顰盡
 奇計鑄金合鑄浣紗人

費昶字又張號閔軒壽七十八馬澄川藏本

春日雜詠上下平三十首之六

椒蠶浮尊煖先披第一風置身詩苑裏餬口市廛
 中髮禿無緣白花殘可再紅衰遲何所望維有祝
 年豐

傳家無長物七尺葛坡筇杖入煙霞裏芒屨踏翠
 峰古藤懸絕壁老鶴占高松更陟前山去探奇興
 未窮

無告一狂夫徧將翰墨娛何常處順境那肯哭窮
 途翠幄牽蘿補花茵疊絮鋪平生心計拙任彼鬼

椰掄

瓦鼎燒芸葉松窓讀古文英雄成敗定曲直死生
分水落沙俱露春濃草亦薰漁歌清且亮意豈在
停雲

自賣名花後茅齋轉寂寥留雲分石榻醉月典吟
瓢玉翦裁風片金梭織柳條藩籬無鷺鳥容易寄
鷓鴣

空庭常不掃苔蘚兩三層寒色春來減泉聲雨後
增蛛縈礙蝶網蛾扑讀書燈消歇閒桃李新栽耐
久朋

秋窓雜詠上下平三十首之四

幽居城市遠心逸體安舒仙佛一尊酒剛柔兩卷
書衣冠雖樸陋禮貌未生疏清靜寒潭水中藏避
釣魚

敗壁補新泥誅茅理廢畦小橋溪宛轉細路石高
低彩羽丹山鳳花冠碧樹雞知余頗好客來此共
幽棲

瘦似松巔鶴閒如水畔鷗人貧詩亦鄙家便學先
優舉世誰青眼浮生久白頭當年漢狂客有刺不
輕投

言三選詩
懷人徹曉坐是處有哀音季女停梭歎莎雞穴壁
吟蕭騷失侶鴈徐疾寄衣砧尺素終難達空悲秋
氣深

澄川書館小飲玩瓶菊

連宵無好月風雨送殘秋籬下移黃菊尊前對白
頭借君杯內酒消我腹中愁吟罷頽然卧書牀且
暫休

除夕過夏半瓢居

歲事粗粗畢呼兒閉竹闌踐君昨夜約消我此時
閒風掃庭中雪寒添畫裏山微吟腹橐就高聳兩

肩還

登樓

晚來無所事草閣獨凭欄弓月一彎白江楓幾樹
丹酒醒嫌味薄人老怯秋殘今歲重陽節黃花何
處看

大除夕書懷

乞取泥金帖書余無告圖兩殮常不繼一弟別中
途雪霽梅花瘦衣單病骨癯兒曹渾不解猶說換
桃符

不寐

蒲三選詩

蒲三選詩

易安書

南三遺言 開華言草三 易安書屋
夢回山月掩起坐聽悲蛩薄命多顛覆燈花空自
紅秋聲一夜雨寒影五更風種種淒涼調齊來百
感中

送李硯山歸山陰

秋風禾黍香遊子心悲傷聚首忽言別爲歡苦不
常霜侵烏柏樹紅葉亂離腸以此一尊酒送君歸
故鄉

送盛永光北上

落日吳江道楓林晚葉稀不堪人北去正值鴈南
飛碧海一輪月送君霜滿衣故園有叢菊慎勿樂

忘歸

登瑞光塔

拾級浮圖頂置身霄漢間仰呼通帝座俯首看青
山野鶴避人去白雲行雨還暝煙分四合鐘鼓出
松關

雙忠祠

虎踞龍爭地年來戰伐銷天心屬聖世臣節
盡先朝尊酒空遙吳雙魂何處招昇平問遺事一
爲付漁樵

病中自遣呈交好

補遺詩

補遺詩草四

易安書屋

詩三選詩
誤遭屐齒折兩月竟高眠貧病交情見衰遲眷屬
憐啾鳴小鳥咄咄逼殘年何物能消遣南華第
一篇

黃菊開時哭古宜先生

江渚風流客花時酒共斟自君捐館舍使我廢謳
吟碧草恨無已寒蟬怨更深茫茫泉路杳何處寄
愁心

老少年

具此好顏色風流遲暮中豔分宵月彩嬌奪曉霞
紅衣錦雞皮女簪花鶴髮翁蟲香癡蛺蝶幾度繞

芳叢

春夜

淡月上花梢微煙冒柳條多將辛苦意度此可憐
宵吟興有時倦春魂何處銷懷人兼惜別瘦盡沈
郎腰

歲暮病中

病戀寒衾久驚心歲暮間霜花欺短髮菜色上衰
顏曉雨驅愁至宵鐘喚夢還相過多父執感歎淚
痕斑

秋月

補遺詩

補軒詩草五

易安詩

白露當空下
蟾光淡欲流
莫辭達曙望
幾見照當頭
映水一泓冷
遙天萬里秋
何人弄長笛
韻出最高樓

春夜懷李端士

梅影橫窗夜漏沉
照梁月色亂愁心
十年顛顛新
知少一水相思舊
雨深別後鬢毛俱染雪
折來楊柳已成陰
夢中有路何曾識
擬向春江鼓棹尋

懷胡祖宇客四川

望遠頻登江上樓
昔年於此送行舟
故鄉花鳥當三月
異域星霜又十秋
別後魚音常自杳
傳來烽火

火不勝愁子規夜
夜夜空啼血
蜀道如天何處留

送陸魯涓移家南塘

荒盡湖田就硯田
茅堂新築枕江邊
繞畦菊自飛黃蝶
近水人多種白蓮
偶訪釣徒臨浦上
爲尋僧侶出村前
旗槍初試君家味
莫負淞南第六泉

春暮書懷

鳥語花香草色新
坐消清晝病餘身
久拋謝客登山屐
閒却陶家漉酒巾
偶爾著詞緘
別恨無端拭淚送
殘春
白磨青鏡頻
照畫裏容顏又未真
由高店至松陵道中

江光如彩絢朝霞渡口人稀鷺立沙紅樹青帘開
酒舍黃蘆朱蓼隱漁家迎舟面面山重叠截水條
條籊曲斜設色倪迂圖畫裏鼓聲都是賣魚蝦

喜得戈鶴岑歸音

十年放誕客天涯一紙歸音半信疑浪迹喜君仍
健在守株愧我已衰遲離憂頓釋非關酒遠道相
思每托詩相見定憐貧病久燭花頻看夜闌時

贈胡西垞

羨君踪跡任扁舟特訪淞江九月秋多難少年長
作客無家垂老不登樓道歸騷雅詩千首運落風

波雪滿頭莫歎逢迎少耆舊平原公子昔交遊

乞花

帆居野老擅風流臨水柴扉竹徑幽贈珮紫蘭方
首夏分根紅藥正中秋人閒靜理栽花園室陋遙
臨倚月樓君若興濃來訪我到門莫返子猷舟

漫興

數椽茅屋枕清池醫俗琅玕竹幾枝閒坐小窻梳
白髮靜聽高柳嘯黃鸝溪翁攜得魚雙尾社友分
來酒一卮默契阮亭憐後學焚香補讀宋元詩
一裘一葛老淞濱蟹舍漁莊結近隣座右圖書終

歲樂檻前花葯四時新自矜白屋談詩客不作朱
門仰息人垂暮怡情惟有酒杖頭沾得杜家春

立春後一日

鳳麻頒來歲又加負暄偏在日西斜啼饑野雀爭
卑樹無告窮民聚一家久諳世情如嚼蠟漫嗟生
計若團沙遣懷詩就蕭然坐紅燭爭開豔之花

對菊吟和吳江陳易門三十首之二

出世何煩篤耨薰散人舊澤本清芬時開意蘂裁
新語頻結心香讀古文邀得庾公乘興月留將宏
景自怡雲於中領略無窮趣不覺悠然到夜分

雨歇廉纖薄暮天態妍香靜月娟娟移將老圃秋
三菊恰稱蕭齋竹數椽邱壑性情安淡泊藿藜腸
胃遠肥鮮夜深欲結幽窻夢木榻陶然自在眠

自題詩丐圖

行吟踏徧化衣塵嘔盡心肝剩此身骯髒何妨稱
勾者風流仍許作詩人胸無伍相吹簫恨境有陶
公乞食貧賸馥殘膏沾受得半瓢一杖杜陵春

梨花

乍晴乍煖賣餠天玉立亭之碧檻前裁得素雲爲
舞袖蟾宮贈與月娥穿

朝飛江雨浥緇塵淚滿欄干泣太真淡蕩柳花千
萬點風流不屬細腰人

鷺鷥

公子翩：白雪衣鶴雛風格半依稀眠沙宿葦江
湖老不近龍樓鳳閣飛

閨詞

十三十五細腰肢戲結同心綰柳絲笑摘青梅打
鸚鵡恠他不念送春詩
熏爐獸炭睡懨：扑面西風不捲簾昨夜挑燈落
紅藥新愁又到兩眉尖

韓世琦字錦堂號後圃武庠生有詠蘭堂文賦
詩詞四種周易安所藏詩彙僅得其半

巫山高

巫山一何高雲氣常藹：中有巫山神不出巫山
外旦暮陽臺下為國施甘沛哀哉楚襄王恍惚若
可會宋玉恃其才作賦貽厥害所以好色者千秋
迷下蔡

幽居

深不必入山曠不必面野結茅蔽風雨豈不念陶
瓦室中維琴書門外絕車馬寂處靜無為養心欲

自寡蟲飛何薨。鳥語何啞啞。淵默氣自全。獨坐
南山下。乾坤一草廬。淡焉而心寫。

出門

出門踐嚴霜。舟子問何之。言往東南隅。將以慰所
思。晨光恨熹微。渡江何遲遲。豈不愛偃息。衣食難
自持。毋爲戀故鄉。鼓棹行勿疑。

新正四日集老梅山房得文字

開年總四日落雪何紛紛。欣言酌春酒。相賞有奇
文。衆賓悉精妙。吐辭揚清芬。鐵樹發妙花。望之絕
塵氛。禪理參莫解。神悟若有聞。炊煙竹外飛。變化

爲浮雲林際散。噲啞握手何忍分。仰視天蒼蒼。春
意含無垠。

送徐青雲鍊師

野鶴從空來。飄飄多風雨。凡鳥不能識。鸞鳳相爲
伍。忽然欲飛去。矯矯揚其羽。不知何所止。佇立江
之浦。

折楊柳

楊枝鬪妾腰。柳眼窺郎面。盈。妾與郎夙昔長相
見。一旦感別離。時節忽已變。天道豈如弓。流光何
似箭。駿馬罷朔風。冷月停團扇。長笛不堪聽。夜淚

南三遊言
後園言其二
卷安書屋
痕如線

烏夜啼

老烏夜冷枝頭坐皎々霜天啼不破有客謫居夢
未成援琴收軫歌相和清商入調方瀏亮宛如朗
月開重障須臾忽似變爲羽鳴嗚啞啞聲何苦恍
惚如訴無可棲指法跌宕高復低絃上齊鳴名索
鈴餘音徐歇難爲啼此曲至今猶是昔我曾十載
娛朝夕座上知音莫謾彈夜半一聲頭欲白

鯨鶴

北溟鯨魚化爲鵬六翮一舉九萬程海中凡鱗共
有志冲天骨格早已成幾次化龍身不死一朝投
網鬻諸市鑿冰凌陰冷骨悲煑鹽廣斥槁魚美豈
知求生泣釜中當思奮翮青雲裏青雲無路翼斂
然蒼苔白石空留連大海茫茫不可返時欲一鳴
聲驚天

新正雅集詠蘭堂

春來隔歲梅花報新年喜見故人到呼童掃雪延
入戶不覺接羅爲之倒徐君城北著千秋潘子河
陽擅風流高陽才子世濟美仲御洛市邀來遊趙
州不到良可惜延頸高望日已夕日夕不來無奈

何草堂此會無禪客人生樂事惟聚首主賓自古
欣握手豈無彩筆寫鸞箋愧乏春盤佐椒酒椒酒
爲此貯百壺百壺傾倒再出沽幸生 聖世介眉
壽醉來屢舞狂相呼

正月十四社集老梅山房

老梅山房花發時常邀名士題新詩茲辰又近上
元節我輩重集同蘭卮斯時酒興不可遏分題拈
韻催擊鉢徐公前輩老詩翁趙州主人坐其末我
吟其中列成鼎騷壇旗鼓各相等壁上觀者有趙
王欲豎降旗那得肯須臾天半散飛花天花飄落

沙沾袈裟一聲清磬酒初歇揮毫落紙如龍蛇詩
成酒酣慷以慨欲歸不歸者之再今宵明月月未
圓明日梅花花對誰

送蔣祖開之滇南

滇南萬里君敢行大笑出門意氣橫旣成丈夫當
有志勿以兒女牽其情居家直如蛙在井奮翮乃
化鯤爲鵬興至而往興盡返毋使高堂白髮生

西施

館娃宮樹久荒蕪浪說佳人失霸圖驕主力疲齊
晉役忠臣謀沮種蠡徒出身已報將亡越專寵難

南三邊詩
後園詩
忘既爐吳雖是扁舟湖上去夢魂無夜不姑蘇

王嬙

傳宣塞外去和戎始得君王一見通世路盡如毀
畫鞏愁腸強似老宮中沙場蘆管吹黃檠馬背琵琶
訴朔風爲語漢家無戀妾容顏不與舊時同

風箏美人

少女殷勤舞掌中步虛遙上畫樓東折腰影落情
何極逸響雲停曲未終長袖忽驚石燕雨采絲欲
斷翦刀風晚來纖手相招下疑是常娥降月宮
整頓衣裳畫彩鮮却身側立故流連向人略借輕

擡力便可憑空直上天莫笑秦聲樓畔落何嫌趙
后掌中懸十三鴈柱殷勤奏撥盡東風第一絃

水中鴈字

倒影長天浸碧波數行潦草更如何蟲書淺印濤
箋薄沙畫深摹鳥篆多戲海似傳鍾子筆臨池莫
認右軍鵝憐他江上沉音久萬里秋風繫帛過

辛未冬季寫懷

年來琴劍典無餘駑鈍天生偏讀書歲晚忽驚爲
學淺家貧莫笑治生疏往來流水原無盡今古浮
雲只自如藐處乾坤人欲老不知何日見鳶魚

雨後觀映上人種木瓜

祇園春雨試新茶忽見閒庭種木瓜
問道幾時能結果荅云隔歲已開
花根頭應傍宣州石池上渾疑淇水涯
一自瓊琚相報後不知詩思在誰家

燕泥

天南二月剪刀風知是陽和地脈中
掠去未沾飛絮白銜來猶帶落花紅
一簾雨印香塵軟四野雲封倦翼
狎爲語詩人能作否不勝惆悵畫梁空

飲器

披衣夜起漏聲幽洞口春生瀑布流
枯骨已消襄

子怨儒冠還對漢王羞何關雲雨陽臺夢不伴蛾眉
薤簞秋笈殺張顛眠未得一壺共貯在牀頭

次許竹素先生九日過秀野堂韻

九日一尊酒登高不易攀何如尋舊社相與話秋
山梵響徹天外鴈聲落木間徘徊未忍別池上玉
鈎彎

春夜

暝色收殘照東風靜掩門千金容易事一刻最消
魂秉燭懷人古題詩落月昏應劉共飛蓋誰似魏
家園

壽顧松厓

總角便相識而今更若何功名如我薄富貴讓人多邀月雲千甕垂綸雨一蓑他年期握手同唱采芝歌

擬江蘇萬民恭謝 皇恩詩

天災挽 帝力水國祝山呼大惠博而濟羣黎死復蘇歡聲起四野瑞氣滿三吳此典只今有我皇自古無用人追稷契致治邁唐虞衢巷須傳誦風行徧海隅

賦得仙管鳳凰調

嶰谷天生管鳴風上下翔帝臣造律呂靈鳥協宮商乾健先徵鳳坤貞次配凰三分定損益九變盡陰陽琴瑟梧枝老笙簫竹實香來儀昭舜德和韻接高崗

恭和 御製爲有源頭活水來

一六生成天地胎偶然相扣悟機關曾經子細推詳去始得從容指點來自合直窮星宿海不須謾論坳堂杯一泓清徹微言見萬象虛涵大道推潑流行當喫緊淵源立本重低徊久知溝澮盈旋涸默喻原泉信莫猜羲世河呈昭卦畫虞臣洛獻

定瀾廻 聖人早識其中意獨鑿川流稱水哉

臨洞庭湖

天地開巨浸浩浩雄楚都紛紛木葉下思欲歸東
吳東吳隔千里渺々不可踰四顧何茫々風波多
所虞登樓一撫覽側身孰與徒

宴訪槎許徵君莊

荏苒歲云暮同雲塞玄穹瀰漫岐路積覆幘當朔
風我心眷醺會有客于焉從嘉穀多且美斗酒良
不空咄哉梁園叟作賦誰與同

夏漁村遷居非得已也爲鳥言以勉之

鳥鳴何嚶々四顧尠喬木豈不戀舊巢一往不可
復苟得非所歡綢繆一何速毛羽不豐滿徒爲几
上肉逮夫六翮成鵬程更可卜不見徙南溟息以
月之六殷勤爲鳥言笈者非我族仰望情彌長一
篇每三覆

僧房猫

紅鹽箸裏換狸奴每食誰興彈鋏歌甘守山僧一
鉢老蒲團低首念彌陀

初夏集凌翁草堂憶春分賦三首之一

倦飛乳燕正栖檐花影墻東月半簾記得春遊歸

去晚孤村煙重失青帘

送徐漢陶之館不及賦此以寄

欲別不曾別春風勞夜吟遙知一片月照得兩人
心

聞鴈

蕭蕭江上客散步吟秋夕嘹唳數聲中蘆花頭欲

白

玩月

獨坐空山裏紛紛落松子仙人采藥還松下吟未

已

朱承祖字景亭號後庵庠生子丹山藏本

報罷口占

白下歸來擁敝裘十年風雨泣牀頭本無詞賦傾
南國只合衰殘臥故邱滿壁亂蛩吟舊怨幾箱敗
蠹著窮愁而今事業吳淞上三尺綸竿一葉舟

寒食

梨雲野館淚泫然獨對東風寒食天谷口夭桃剛
半笑渡頭楊柳正三眠百年旅夢迷蝴蝶萬里歸
魂泣杜鵑麥酪至今猶是煮遙思綿上久無煙
與敬陶張大話舊

南三遺詩
後唐一
吳門握手重思前出處於今已惘然遊子不堪論
歲月故人依舊卧林泉季鷹老去尊鱸與元亮歸
來松菊綠朋輩天涯淪落盡秋風已愧祖生鞭

無題

義士今無古押衙眉銷黛綠臉銷霞侯門本是深
如海孤負城南一樹花

贈別女校書次韻十四首之八

鴛鴦湖畔水無邊雙鯉迢迢信莫傳最是曉風殘
月候繞梁餘韻使人憐

檀板銀箏月下逢淺斟低唱意何窮無端又向河

橋別渺、煙波一夢中

幾度魂銷解語花盈、二水隔蒹葭可憐煙雨樓
頭月占盡清光獨到家

柘枝舞罷暫徘徊漫捲箱簾邀月來一曲明珠人
盡豔等閒飛夢到瑤臺

黃昏清絕怨如何破撥聲繁咽又歌我是江州舊
司馬青衫點點淚痕多

采菱歌怨解行舟浦鳥汀花相對愁回首春風橋
下水聲、嗚咽不南流

目斷仙槎弱水東對牀孤枕思無窮千家砧杵三

更雨迸入離愁別恨中
秋來何事最相思露冷蛩吟月上時莫笑江南窮
措大每題一絕泪雙垂

自歎次韻

年過五十始知吾明鏡驚看病後殊對月高歌拚
獨醉看山倚杖藉相扶虞卿著述非求達阮籍猖
狂豈是愚日暮滄江最愁絕近來青眼亦模糊

送程心栽金雲莊鄧尉觀梅

姑蘇臺上一輪月姑蘇臺下千林雪
香月豔夢魂清一夜相思渾欲絕

胡涵齋徵

陸澧字渭源號芝厂子淳芳藏本

曉發南莊嶺望嶽

望嶽陟南莊光恠未可旣延袤阿房煙橫亘豐城
氣神龍抗天地吐霧任蒼蔚雲開千里青日射五
采沸豁然羣峰俯凜乎岱宗貴吾生水涘間瞻巖
誠所未忽睹刺天勢頓悟聖言味遂命返轡趨遑
惜馳驅費逸興沮同行壯心不獲慰平生仗精力
躋攀匪我畏有日升崇巔一嘯舒腸胃

白燕

春社年年至驚看冒雪歸我添新白髮汝換舊烏

衣夢帶梨花雨香銜柳絮飛霜檐暫止息相識莫相違

關山月

明月昇滄海寒光浸戍樓一聲金柝冷萬里玉門秋地白生鄉思機黃動遠愁征人當此際應悔覓封侯

送春

雨過綠初肥春銷紅雨稀遊絲縮不住濁酒送將歸蝶粉隣家褪茶香隔院霏楊花何處起點點逐愁飛

金山夜泊

雨阻金山麓登臨愛晚晴天空江萬里人靜月三更北斗旋河影西風過鴈聲解維煙霧白不見石頭城

潤州中秋

旅夜不成寐登樓望月華笙歌升別院砧杵落誰家歸夢前宵短鄉心此夕賒天涯飄蕩客詎忍聽琵琶

大明湖夜泊

金色微波漾涼風動客愁一輪將望月千里未歸

舟橋鎖東流濟城高北極樓鄉闕何處是雲樹已
含秋

中秋後偕友步山塘

爽氣橫空澗壑幽蓼花風颭白蘋秋鐘敲遠岸斜
陽寺簾捲平橋載月舟綠水紅欄新酒肆丹楓黃
葉舊僧樓籬邊菊綻登高近未必他山勝虎邱

丁未元旦

勞力勞心七十春新年原似舊年人黍藜贏得三
瓊舊冠履何來一事新藉有琴書堪養靜雖無擔
石詎憂貧莫言造物偏勞我勞我須知保我真

余甫齡戲卽好咿吾而先君子及受業師皆以
不列制科有妨時藝爲戒然課習之暇每就平
昔交好借閱偷吟是嗜好性成而故違父師嚴
訓於心終抱不安逮二十有三受知于博陵尹
夫子厥後歲科兩試詩文竝重乃得與里中竹
素訪槎許先達古宜馮前輩樂數晨夕拱聆教
益他若騷壇酒社月墅花村靡不分題角韻擁
鼻苦吟覺此外無他戀也迄今五十餘年馬齒
六十有三塗抹益多若不稍加鱗次行且窟鼠
飽蠹矣因選如干首錄成一帙等諸空山絕壑

樵人野唱而已詩云胡哉此樵聲所由名也時
乾隆五十三年半瓢夏鏞聲禹錫氏識

擬日重輪

日重輪泰階平調玉燭黃河清鳳凰巢於阿閣百
獸率舞乎丹宸雕題鑿齒重譯來京支弋占風
而稽首請臣黔黎仁壽伯昌繁盈擊壤歌歌嘽々
當今皇帝陛下萬萬歲

車遙遙

車遙遙路迢迢車行有時歇妾心無斷絕車能千
里萬里送征人妾身莫到陰山陰但愿妾身化爲

輪困木坎々伐作雙々轂迴旋同赴長城曲

遲醉石許二小飲答賦元韻

摘蔬不盈把聊盡故人歡我興濃於酒君言清似
蘭文章身後定天地醉中寬相對忘宵永窻前雨
正寒

乙巳秋喜禮園邱四重過甫里吟贈一律兼
詢儀堂贊府安

不見故人久天南煙水長兩年雲外鴈九月雨中
航重以心知雅能無離別傷還鄉陪鯉對爲我慶
康強

懷人

拍冷紅牙天一方玉人何處奏清商情聯十幅雙
湖席夢斷三秋七里塘風片逐花翻舊恨雨絲和
淚濕新草竹枝不敢閒來唱怕引離愁節節長

夏初半瓢居卽事酬竹素老人

醪醖壓架長新枝花底分箋合鬪詩獨立蜻蜓低
弱草雙飛蝴蝶趁遊絲論文不覺烹泉數愛客休
教貰酒遲交翠滿庭落斜照此中清味幾人知

村居卽事次訪槎許徵君原韻

古木參天掛古藤茅齋靜掩似閒僧沿溪牛背迎

風笛隔岸漁莊掛日昏半畝渠池新芡藕十年詩
酒舊親朋村居消受清閒慣任我支頤曲檻凭

風雨中夜泊胥口

不堪蕭颯繫孤舟獨向殘燈古渡頭寒角尚吹鞭
楚恨怒濤猶撼沼吳仇酒當不寐偏無力詩到難
成別有愁夜半蓬窓僵卧冷一天風雨未曾收

懷西垞老人

雲海茫茫寄托賒散人踪跡徧天涯三年春水搖
何處八月秋床掃幾家多分江關勞筆墨不堪霜
露問蒹葭短箋欲附尋南鴈惆悵西風落日斜

隨分

年來絕不計窮通得意無過隨分中
護菊曉寒蓑笠雨煮泉午戰荻蘆風
詩尋芳草吟魂綠酒對新花
醉眼紅活潑世情如大海漢陰早有息機翁

題畫

如許遽廬祇一瓢背山面水劇飄蕭
懸厓瀑布千尋雪撼嶺松濤
八月潮雲海虛涵天渺
煙巒入望路迢迢斜陽影裏憑欄客
遙指吟人度板橋

閒寫

杜門守拙謝浮名斗大蝸寄廬
此生書卷積疑欣

得間酒杯適興不求盈采菱餉客和雲煮
汲水澆花帶月傾俯仰正寬心自逸
那知人世有愁城

詠梅花次韻

孤標惟與冷雲知占得春風絕
早期竹外伶仃疑有骨雪中蘊藉似無枝
魂依醉客酣眠處香入吟人覓
句時寄語海棠休浪想聘成原不慰相思

冬日過來軒小飲得三字

酒到今宵分外甘故人重發舊時愁
掃開心事霜林葉引起詩情冰繭蠶
夜蠟話消燈影半寒更坐入鼓聲三
無多聚散增惆悵忍把滄桑仔細談

初夏胡西垞陸硯樵過半瓢即事

春江曾此繫輕舸忽重過換葛袍賭墅互尋枰
上劫敲詩獨吮案頭毫愁緣顛顛三年別貧故經
營一飯勞却笑庭前新養竹偏書个字出墻高

九日憑高獨酌

雲斂煙收天正高橫空一鴈下寒臯黃侵紅樹知
江稻白點朱萸見鬢毛不受人憐休送酒且行吾
素亂題餒茫今古登臨感長嘯西風擘巨螯

江叟遲賓

吳淞江畔闢柴扉地僻留賓土物稀梅雨向晴筍

尚茁稻花旋起蟹初肥一尊文舉拚燒蠟十日平
原愛典衣不解吟人每過訪款關相對便忘歸

烏樓曲

北風吹古樹古樹有烏樓不許儂成夢啞啞相向
啼

送春有懷

去年握手送春回今日春歸酒一杯不是酒濃容
易醉愁扶酒力上顏來

蠶豆

陌上青青枝復枝可憐成繭不成絲三眠若向籬

筐老鄴下應無七步詩

題西垞石壁題詩照

踏破茫鞵看徧山笑他健筆未曾閒
凌雲一試摩厓手點得石頭都不頑

題山居幽憇圖

挿天翠嶂鬱重重百丈飛泉伯尺松
借問山翁住何處小橋過去亂雲封

題雪裏梅花圖

只橫斜處劇精神六出花封五出勻
不用評章費詩思色香腕底十分春
子大典大文藏本

沈振字德五號蓉軒庠生

壻曹斗槎藏本

白蓮

高捲珠簾水榭幽玉簫吹徹調悠悠
不聞鷗日暮歸飛急誤扑花叢覓舊儔

銀塘風細氣氤氳欲弔湘娥滿白雲
夜靜偶依曲檻立月光花影倩誰分

七夕有感

雕欄曲度微風乞巧穿鍼處處同
寄語雙星漫惆悵一年猶得一相逢

春閨詞

盈之十五倚銀屏螺黛初施分外青學得琵琶彈
未熟背人閒唱短長亭

昨夜東風上海棠含情無限倦凝妝溪頭流水桃
花片不賺劉郎和阮郎

一番花信一番風粉蝶翩々小院東縱是碧桃貪
結子爲誰零落減芳紅

與健伯許山人話舊

蕭颯寒塘路幾重廿年重到話相逢一簾幽夢三
更雨半枕濤聲萬壑松興到有詩消歲月別來無
恙又秋冬挑燈拚得終宵坐愁上河梁問去踪

送族兄北上

分手今何道相看掛席行一尊南北路萬里弟兄
情河水流聲急燕雲極望橫異鄉宜自愛遙與慰
生平

子夜歌

楊柳無情樹亦解別離苦春來散作花香々江之
許

儂心如春草會向春風生勿慮易黃萎化螢亦照
卿

廣陵懷古

卯上青々柳未凋繁華轉眼憶隨朝春風何處三千女
夜月依然廿四橋此日雷塘迷宿草當年宮樹翦輕綃
攜琴不向平沙奏恐有魚龍起暮潮

人日集履素堂得人字

悵望登高日華堂列衆賓青衫容我舊白髮入年新
把酒看長劒題詩對早春小窓梅影瘦纖月淡迎人

題扇頭桃花用崔護原韻

鷓鴣聲斷綠陰中無復天姿照眼紅幾度尋春尋不得
却從袖底笑春風

許開岐字鳳臯號芑洲元祐之後屢試不遇年

未四十而沒無子 馬澄川藏本

芙蓉映水歌

江南八月金風起芙蓉開徧秋江水女郎隔岸踏歌來
花容人面差相似對此亭々感自多由來好景去如梭
只愁一夜新霜落凋謝朱顏奈爾何

擬戰城南

戰城南陣雲低兩軍相決命天地爲之悲朔風慘々白日
無光殺人如麻將士俱傷橫尸積野胡可量鄉里聞知
愁殺妻與子爺與娘誰非人子誰無

父母何辜於天死無處所
戰城南日將夕鳥不下獸遠跡戎衣戰血腥寶刀
潤膏液夜來風雨黯淒：鬼哭聲中燐火碧
柳短：送陳常之都門

柳短：春風煖故人從此別一去何時返攀條贈
遠遊魂斷木蘭舟蘭舟向何處遙指薊門路日斜
風起濤聲怒

楊白花

楊花故飛飛飛向江南去捲簾含怒罵春風斷送
楊花往何處庭前楊柳自依依芳心撩亂淚霑衣
相思願託東南風吹轉楊花入繡櫳

秋江離別引

江上秋風來茫茫浪花白非是妾留郎吁嗟行不
得
渺：碧波流風吹古渡頭儂心若江水長逐木蘭
舟

送春詞

九十韶光轉眼非晚風楊柳自依依黃鸝不語雨
初歇滿地落花蝴蝶飛
綠暗紅稀日漸遲鼠姑開罷又醅醑惜春無計留

春住愁殺風流杜牧之

秋夜曲

何處風吹丹桂香
亂蛩幽咽怨新涼
輕雲不掩嬋娟月
來照羅幃一夜長

喜玉如過訪

爲觸離羣感含毫
擬八哀正當苦吟候
忽報故人來
坐久性情洽
談深懷抱開
還憐日將暮
欲別意徘徊

船婦詞

水面生涯好
蓬窓夜夜春
殷勤囑夫壻
莫載遠遊人

人

秋海棠

片片飛英點院墻
粉容含露泣朝陽
淚痕滿地秋蕭瑟
不爲懷人已斷腸

捉搦歌

西家男兒名阿鳳
東家女兒名阿凰
一鳳一凰相對立
池邊妒殺雙鴛鴦

重九日有感

蒹葭秋水共茫茫
籬菊舒花色漸黃
正是羈人歎
遲暮那堪時節又
重陽客囊金盡
憐蘇季長
缺歌

蘭憶孟嘗欲採茱萸還不敢恐教睹物一思鄉

贈彈詞女項金

嬌喉能唱雨零鈴不數南朝柳敬亭說到埋香馬
嵬驛千行珠泪一時零
嗟爾蓬飄歷苦辛半生旅食寄風塵相逢何必悲
輕賤多少天涯失意人

秋柳四首

一堤疎影浸迴汀有客扁舟江上停最是不堪相
對處曉風殘月酒初醒
天外風傳玉笛哀樓頭落葉曉煙開美人睡起寒

珠箔不見濃陰入戶來

蕭疏更莫鬪蠻腰黃葉隨風到處飄繫馬維舟總
顛賴送人那得不魂銷

淡煙寒雨却當門人在西風江上村欲折殘條寄
相暮憶鴉啼徹又黃昏

彙中所爲詩近體則十之七古體祇十之三
大約得於友朋酬唱者居多樂府偶一擬之
而未能合古五言長律曩昔少陵以五古單
行法制之故雖句排字比而一章中仍具開
合動盪之致自愧學力疎淺間有所作支離

殊甚不敢濫入編次以使識者噴飯所存如
干首名芑洲吟橐自乾隆丙戌歲春正以來
作也嗟乎頻年彈鋏大類馮驩早歲依人幾
同王粲歎流光之迅速悲壯志之蹉跎才不
如人情難自遣於是客窻有暇每工言平子
之愁旅館無聊亦擬賦文通之恨未能免俗
用質同心時在短至後三日跋

陳鳴鏞字昌虞廩生有夔堂吟草家藏 重出

咏蘭

秀色不輕吐朝來香襲襟最宜君子室曾入聖人
琴靜氣渾俱化幽懷每獨吟何須勞采采常此抱
芳心

蕭日襄字思贊號鶴汀王拙石徵來

荷錢

可堪鷗鷺作生涯南北東西買物華江上煙霞應
有價池邊風月不須賒翻雲覆雨爭誰起浪擲波
漂用太奢除却瀟溪無愛爾散鋪十里沒人拏

陸鏞字序東年止二十倡印逸詩今列於末與
周欽來之臨死喜曰我詩亦入別裁矣事同

呵筆

我有青鏤管常鈔冰雪書風威毫力脆氣潤墨花
舒藉口寒能解因人熱有餘不嫌老且禿憑仗一
吹噓

補裘

棄此殊堪惜還需補綴工一寒何必問百結未爲
窮稱我清貧骨多君拂拭功最憐不可典常使酒
杯空

晨曝

頗覺三冬煖緣知與日親人情如挾纊天意亦憐
貧溜釋玉簪墜窻明紙帳春趙君真可愛千古受
恩均

踏冰

栗烈寒威透冰痕已載途薄應知履慎滑欲倩筇
扶布地生銀甲將心映玉壺世途俱似此切勿任
馳驅

眺雪

不惜冲寒去顛狂驢背翁千山明月裏一徑白雲

有建德詩

卷二

卷二

通此處詩情瘦誰家畫手工浩然多逸興莫使哭
塗窮

不寐

嚴寒欺薄被萬感赴三更竟是終宵寢而無一夢
成牀前流月影几上暗燈檠此際難消遣拈題強
自撐

送彭治堂歸江右

朔風吹客袖把手意如何南國美人去湘江香草
多深情勞夢想惜別動悲歌山水迢迢路幾時許
再過

辛亥除夕

一歲今宵盡椒花列酒筵貧貧過此夜病喜換新
年身世休回首艱難暫息肩閉門無箇事已自足
欣然

壬子元旦

荏苒浮生二十年壯心躍躍未能宣無錢不辦屠
蘇味淡性偏甘首荷綠寒氣圍爐消室內晴光潑
眼到窻前濡毫搜紙添朝課草草吟成第一篇

水仙

不着人間麝腦煙天香攜自上清仙分明辟穀

南里邊詩
卷三
峰頂只飲瑤池百斛泉

末麗

冰肌最可人
遲爾黃昏約
摘向半含時
那許閒開落

對酒歌

對酒當歌水無迴波來日大難去日漸多海有蛟
龍山有虎豹乘雲而遊隱霧而嘯胡能常鬱
首埋蒿萊一朝駕天風飛落黃金臺賦成六宮誦
銘勒燕然開天子賜顏色星象干三台位當公侯
名竹帛男兒何可負七尺

即中大師自序

予平生不善詩然率意吟成而人亦有喜之者
此嗜痴之癖也詩成被人取去亦不存橐其不
欲示人明矣許竹隱兄以佳箋數十屬予錄平
生詩寺中乘暇錄百餘首皆平淡無奇聊自見
意耳其論道則有云學道三十載食梅始知酸
此意之最著者也敘情事則有云盡說余當死
誰知尚戀生此語之最該者也歎遭遇則曰數
載偷生應乞食袈裟欲上泛湖舟此情之不堪
者也述世態則曰憶昔夢中逢彈冠整衣賦此

事之最確者也語多鄙樸可厭竹隱兄又何取
 焉然我老矣從遊者或合或離莫念吾老其惡
 吾者莫如圓聞公芳兩人不知余之老也興我
 者莫如垣止爾雨兩人亦不知余之老也則余
 之老惟自知之詩有謂浩歎驚山鬼哀吟動廟
 神蓋自傷心多矣竹隱兄實念我老恐有佳句
 散失不傳故委錄詩今試觀伯首之中有何佳
 句之可得乎

癸亥夏照宗師從永嘉來口占以贈

今我心不樂思君來何遲丈夫能未展觸物有餘

悲相對轉寂寥深言垂涕洟南宗人已遠江左孰
 堪師

夜聽王生彈琴

靜夜聞絲桐空堂響秋水調急生新聲憂哀滿人
 耳感歎不足言所貴會玄理寡以師曠音千春蕩
 塵滓

寄馮元陵

巍巍何必山洋之何必水吾友馮元陵心事即如
 此曩歲讀書南海濱雙眉不點人間塵浙中名流
 盡相識往往傑士多沉淪佳句留四明高興探禹

南里選言
穴明月不畏人緇染自應絕忽泛輕舸遊電白阿
翁獨愛東床客作文投入十八灘潑天風浪寧相
兀迴橈向吳門過予多寒暄昔日少莊語茲來無
謔言俗夫重權勢時事終莫論五交古所戒良友
情宜敦寂寂虛堂坐寒夕兩病猶然互扶掖熱腸
一洗清冷淵奇懷欲化巉巖石君今別去歲已更
穀波將散溪中萍約予二月更相訪時時惚恍聞
流鶯抱疴半載心無力復睹花飛空歎息擬搆新
詩寄故人何由寫盡春繡色

懷瑩公畱金華

吳會予猶住蘭江爾獨過錫邊青靄破衣外白雲
多畱滯豈拘地愁懷且放歌嚴冬聞見訪雨雪莫
爲魔

蔣伯玉先生七十詩以祝之

山川日已舊雲物苦不新天命似中改干戈生楚
秦王師但奔北玉殿成灰塵最感幽州變難比桔
柏津先生老鶴市卓然園綺倫世運方秋冬談笑
能生春當爲王者佐寧是草莽臣逐鹿今未定治
安竟誰陳沐猴冠滿路傑士多沉淪何不迴車駕
訪此臧丈人

乙酉除夕寓開元寺

春風花尚開夏亂城莫守秋蟲鳴壁間今夕復何
 有嗟予處鶴市樗散漸成叟寄跡鐘鼓間影靜驅
 烏後憶昔三十年夢遊入岫嶠階墀借月白翻經
 案將朽忽作餘殘男兒童謂我醜法道苟可傳四
 恩幸無負

即中師原有妻子年三十當天啟時出家濤侯
 有兄泰貞字尚于俱師事之此濤侯之子樹
 金從石梁世叔鈔得則即中師又似在家者陳
 非地藏本係戴氏之壻也

超昷姓朱字麗暹住鶴山禪院僧銳園口述

懷鄧尉梅花

萬樹梅花鄧尉傍春風渺入雲香何時得泛扁
 舟去玉笛長吹震澤霜

戒顯字願雲華山人住海藏

東許孝酌

蒼煙寒雪絕追尋為愛同人下碧岑廿載久陪揮
 塵社一門重惠給孤林殮風龍象依蓮漏識主禽
 魚感梵音精舍已成堪井磴愿拋黎火坐秋陰
 育賢字覆蔭

贈許禹三

風流年少事幽居不戀浮名作校書黃鵠身如耽
散逸白雲心似寄清虛右軍筆掃千人敵工部才
翻四庫餘冰鑒高懸時倚重龍門聲價讓平輿
行彝號休庵

送張伯年赴館

之子飄然去天涯不我知言歸蓮社在共爾好吟
詩

季春

三春天氣好短棹欲何之野館鶯花落江村穀雨

時舊游真契闊客路歎馳驅不有西溪隱誰人慰
我思

德元 以下俱出秀野堂壁

癸亥仲夏重過海藏追和晦翁韻

寥落乾坤身未歸百年如夢壯心違重來香刹荒
無恙回憶名園事已非首着可供高士飯芟荷堪
製野人衣最憐羈客關情處衰柳鳴蟬共夕暉

己酉陽月重過海藏

戒顯

秋老隨黃葉扁舟訪舊宮悲風寒壑動驟雨夜堂
空禪寂憐蕉鹿鄉心隔塞鴻谿橋重別去回首憶

林中

訪心公

據經老人彭庭梅

不定行踪似轉蓬尋師一路問松風小童遙指人
寰外杖履親來海藏中三洞橋通天上下兩溪水
繞寺西東試看蓮社依然在今日心公即遠公

春日晤心公上人

客山李 果

墻陰四面水周遮野墅橋通一徑斜日暮鐘鳴客
竟住愛師兼得愛梅花

臨岐一語寫詩箋記取年年六月天倫社開時應
名我姓名香過李青蓮

後序

莫患名之不傳而患名之不立莫患文之不
傳而患文之不佳名以文傳文以佳傳理也
然三代之文多不著其名蓋所重在文不在
名所重在文者使後人讀之可以感發可以
懲創如三百篇大半皆出里巷之歌謠采其
詩知其俗歷千伯年來猶曰魏風褊急唐風
勤儉國風之不淫於好色小雅之不亂其怨
誹也我里天隨而後雖販夫牧豎伯工藝士
往往能詩而傳者蓋少豈名之不足立歟抑

文之不盡佳歟今校其詩而知之矣夫俗之
好尚縱飲鬪博者有矣徵歌逐舞者有矣能
於閒暇無事時以吟咏陶寫其性情者亦如
彼之所好耳何有於名之立不立文之佳不
佳哉故詩成不自惜而後人亦視以爲常不
知珍重致多散失迄今有考其名而亡其詩
者得其詩而亡其名者亦不足致慨也富貴
者當時則榮沒則已焉貧賤之士著書累萬
半供覆瓿則名與文之傳又若有數焉己酉
冬陳果園以汪慢亭質絕之活字六千有奇

授余念無所用一不龜手之藥耳庚戌秋與
里人籌有以里中之軼詩爲告適廬陵彭治
堂先生在座贊而序之凡得七十三家分爲
二卷以癸丑歲立秋日告竣

祖開蔣兄敘佚詩末曰儻得謀一葦之航相
與參互考訂卽樂事也不知蒼者假我年
否余因命逸詩續編曰假年錄夫花甲以後
之年爲餘年嫁娶已畢之人爲餘人搜羅散
失之事爲餘事以餘人得餘年爲餘事必得
其成如逸詩之初編是已然初編可必續編

不可必初編之成也俱出之同好之家續編
之成也將求之不同好之家蓋人各有好我
既不能隨人之所好而好之人亦何能隨我
好而好之哉則餘事之不可必與餘年之不
可必若難而若不難焉寧使餘年不可必冀
繼我之有人毋使餘事不可必即假予以年
無益也蔣兄長予二歲遠在萬里年可必歸
可必餘事可必相與叅互考訂其樂果何如
哉毋使年俱可必而歸期與餘事同一不可
必也噫六月十一夜半雷雨時書



